

Apokalips



APOKALIPS JAN Men sa Jezi Kri fè Jan wè aklè

PREMYE KOZE A

Te gen plizyè kalite apokalips. Te gen apokalips Jwif yo, kòm Liv Enòk. Asansyon Moyiz. Apokalips Bawouk. Testaman Douz Patriyach yo. Pami kreyen yo, gen kèk apokalips ki te parèt tou: te gen Apokalips Pyè, Apokalips Jak, Apokalips Jan. Men sa nou jwenn anndan Nouvo Kontra a, se li sèl yo te aksepte nan Kanon Bib la, lè yo te konpoze Bib kreyen an.

Kisa Apokalips Jan an ye?

Se yon liv ki vle bay kreyen ki anba pèsèkasyon yo lespwa. Yo te ekri l nan epòk pèsèkasyon lanperè Domisyen lane 96. Jan, ki te yon pwofèt, bay kreyen ki anba pèsèkasyon yo fòs ak kouraj pou yo kenbe fèm, pou yo pa janm dekouraje, paske Jezi Kri pral ranpòte viktwa epi l ap disparèt moun k ap pèsèkite yo a.

APOKALIPS

Jan di tout bagay sa yo nan yon langaj an daki, yon fason sèlman moun ki anndan kominote yo kapab konprann li. Si ti liv sa a tonbe nan men yon sòlda women li p ap konprann anyen nan sa li di, paske li pale ak senbòl moun ki anndan kominote a sèl kapab konprann, epi pou li fè moun k ap pèsekite yo a, pèdi tèt yo.

Kilè tout bagay sa yo Apokalips la di pral rive bout?

Tout sa li di a pral rive touswit (Ap 1,1-3 ; 22,6.7.10.12.20). Nan tout liv Apokalips la gen yon sèl pawòl pwofèt sou tan k ap vini an: **Jezi Kri pral ranpòte viktwa nètale epi patizan l yo ansanm ak li.**

Pou Apokalips la dènye tan an rive ak lanmò ak leve Jezi a. Nou pa dwe tann yon lòt bagay. Sa nou viv se dènye tan yo, paske tout bagay Bondye te pwomèt nou, te rive vre nan Jezi Kri. Bondye ak nou depi kounye a epi pou toutan, epi moun ki asire prezans Bondye a, ki toujou ak nou se Jezi menm ki te leve byen vivan pami mò yo.

Poukisa yo te ekri liv Apokalips la?

Kote li vle rive se bay kretyen yo lespwa, kouraj, fòs, pou yo kapab kenbe fèm, pou yo pa janm dekouraje (Ap 1,3 ; 14,13 ; 16,15 ; 19,9 ; 20,6 ; 22,7 ; 22,14). Yo te ekri liv sa a pou yo pale sou Jezi. Se pa pou yo pale sou Bèt la, oswa Antikris la. Apokalips la pa sèvi ak pawòl Antikris la. Tout liv sa a pale sou Mouton (ki reprezante Jezi) k ap gen viktwa nètale sou tout lènmi li yo. Sa ki nannan liv Apokalips la se Jezi menm, se favè Bondye a, se pa peche a. Sa ki nannan liv Apokalips la se lavi, se pa lanmò, se Gouvènman Bondye a, se pa lanfè oswa destriksyon. Se Jezi menm ki pale sou sa nan liv sa a. Se nan li nou dwe mete tout konfyans nou.

Jezi prezante tèt li kòm Sila ki te la, Sila ki la, Sila ki pral vini an (Ap 4,8 ; 1,4). Se Li ki premye a ak dènye a. Se Li ki kòmansman ak finisman tout bagay yo (Ap 22,13). Ak tout pawòl sa yo, Liv Apokalips la prezante Jezi Kri kòm sant lavi nou ak sant listwa moun yo tou.

Nou kapab di Liv Apokalips la pote yon mesaj Levanjil, kidon yon Bon Nouvèl pou nou: renmen an pi fò pase rayisans, lavi pi fò pase lanmò, kè poze pi fò pase vyolans. Nou pa bezwen pè. Wè pa wè Jezi pral reyisi epi nou menm ak li (Ap 5,12).

Tè a pral chanje yon fason total kapital. Li pral tounen yon tè tounèf, dapre sa Bondye renmen an. Konsa kote peche te genyen tout plas la, se favè Bondye a ki pral pran plas la (Ap 7,9-17 ; Wm 5,20).

Apokalips se yon liv pou litiji a

Se yon kominote ki fè lwanj pou Bondye, ki sen, epi ki gen tout pouvwa. Se yon kominote ki fè lwanj pou Bondye ak Jezi Kri, yon kominote ki sakre kòm pè nan sèvis Bondye. Tout moun ki fè pati Kò Jezi a se Pè yo ye (Ap 1,6 ; 5,10 ; 20,6). Tout bagay Apokalips rakonte, yo te rive nan yon sèl jou: jou dimanch lan, jou Jezi te leve byen vivan an (Ap 1,10).

Men chapant Liv Apokalips la:

1. Premye koze a (1,1-8)
2. Mesaj pou 7 Legliz yo (1,9-3,22)
3. 7 so yo (4,1-8,1)
4. 7 klewon yo (8,2-11,18)
5. 7 siyal senbolik yo (11,19-15,1)
– Sant Apokalips la: batay ant pèp Bondye a ak bèt la
6. 7 gode yo (15,2-16,21)
7. Jijman Bondye a (17,1-21,1)
8. Jerizalèm tounèf la (21,1-22,5)
9. Finisman an (22,6-21)

Komansman : Tan an pre rive

1¹ Men sa Bondye te fè parèt aklè bay Jezi Kri, pou li te montre sèvitè li yo, bagay ki gen pou rive byen vit. Li voye za--nj li a bò kote sèvitè l Jan, pou fè l konnen sa. ² Se Jan ki sèvi temwen pou tou sa li te wè yo: se Pawòl Bondye, ak laverite Jezi Kri fè nou konnen an. ³ Ala chans pou moun sa a k ap li a ak moun sa yo k ap koute pawòl sa yo, ki pawòl pwofèt, epi ki kenbe sa ki ekri ladan yo, paske tan an pre rive.

Jan voye bonjou bay sèt Legliz Lazi yo

^{3,14} ⁴ Mesaj Jan pou sèt Legliz ki Lazi yo: Favè ak kè poze pou nou ki sòti nan Sila a ki la, ki te la, e k ap vini an, ki sòti tou nan sèt Lespri yo ki kanpe devan fotèy li a, ⁵ epi ki sòti tou nan Jezi Kri, temwen ki merite konfyans lan, premye pitit ki fèt sòti pami mò yo, chèf tout wa sou tè a. Pou Sila a ki renmen nou, ki delivre nou anba peche nou yo nan san li, ⁶ ki fè nou tounen yon peyi wa ak prèt pou Bondye Papa

Sòm
89,28;
Kol
1,15

1Pyè
2,9

li. Glwa ak pouvwa pou li pou toutan nètale. Amèn.

⁷ Men l ap vini ak niyaj yo. Tout je pral wè li. Ata moun ki te pèse li yo. Tout fanmi moun sou tè a pral bat lestomak yo pou li. Wi. Amèn.

⁸ Mwen se Alfa ak Omega. Se sa Bondye Granmèt la di. Li menm ki la, li menm ki te la, epi li menm k ap vini an, li menm ki mèt tout bagay.

Jan fè yon vizyon

⁹ Mwen menm Jan, frè nou, ki patisipe menm jan ak nou, nan soufrans, nan gouvènman wa ak nan kenbe fèm nan Jezi, mwen te nan zile yo rele Patmòs la, akòz pawòl Bondye a, epi poutèt mwen te sèvi Jezi temwen.

¹⁰ Lespri mwen te pèdi tè jou Granmèt la. Mwen tandè yon gwo vwa dèyè mwen, tankou yon twonpèt. ¹¹ Li di: « Sa ou wè a, ekri li nan yon liv, voye li bay sèt legliz yo: Efèz, Esmin, Pègam, Tiyati, Sad, Filadèlf ak Lawodise. »

¹² Mwen vire pou mwen wè vwa ki t ap pale ak mwen an. Lè mwen vire,

Dan
7,13;
Zak
12,10;
Mt
24,30

1,1-3: Apokalips se yon liv pou kominote kretyen yo li l epi esplike l nan reyinyon yo. Mo «apokalips» la vle di: bagay yo dekouvri, yo mete aklè. Mesaj la mande pou aji touswit, paske ak lanmò Jezi, epi ak leve l byen vivan an, listwa pèp Bondye a rive nan dènye bout li. Bondye ap kòmanse jijman l, epi l ap mete Gouvènman li an anplas. Misyon Jan genyen an se pou tout kretyen yo: yo dwe resevwa Pawòl Bondye a, epi anonse l, pou kontinye bay temwayaj sou Jezi Kri. Jan pa t ekri Apokalips la pou fè moun pè, men, pou li ankouraje moun.

1,4-8: Chif sèt la se yon senbòl li ye, li reprezante yon bagay ki total. Sa vle di sèt kominote ki nan Lazi Minè yo, yo reprezante tout Legliz la. Bondye Papa a, se li ki mèt listwa: menm jan li te aji nan tan lontan, se konsa tou l ap aji kounye a epi demen. Sèt Lespri yo, vle di, grandè Lespri Bondye a. Jezi se potomitan ni pwojè Bondye a, ni aksyon li yo. Glwa ak pouvwa se pou li yo ye, paske li se temwen toutbon vre a, se li ki te montre pwojè Papa a jous dènye bout, epi ki reyalize l. Li te bay lavi pou tout moun, sitèlman li renmen yo.

Jezi se premye moun ki te leve byen vivan pami mò yo: se konsa li te kraze lanmò ak peche, li se kòmansman yon lòt mòd lavi kòm moun tounèf. Li se kòmansman, li se finisman

tou, paske nan li delivrans lan rive nan dènye bout. Se pou sa li se «alfa ak omega». Nan lang grèk «alfa» se premye lèt, «omega» se dènye lèt, se kòmsi nou ta di: A ak Z, kidon premye ak dènye (Ap 21,6; 22,13).

1,9-11: Yo te kondane Jan poutèt lafwa li. Li te pran legzil nan zile Patmòs. Sa te pase bò lane 96 konsa. Sitiyasyon Jan an montre ki fason kretyen yo soufri akòz temwayaj lafwa a. Yo soufri pèsekisyon, men depi kounye a yo patisipe nan viktwa Jezi ki leve byen vivan an, epi se sa ki fè yo kenbe fèm ni nan lafwa, ni nan sèvi l temwen.

Jan fè vizyon li a jou Granmèt la, sa vle di jou dimanch, jou Jezi leve byen vivan an. Jou dimanch lan pran plas jou saba Jwif yo. Kominote yo selebre Jezi ki leve byen vivan an, paske se ak li Bondye kòmanse ni jijman an, ni fè yon tè tounèf, kote li tabli gouvènman li an, ki pote jistis ak lavi pou tout moun sou tè a.

1,12-16: Jan wè Jezi prezan epi l ap aji annan lavi kominote yo (**Se sa chandelye yo vle di, li bay limyè toupatou pou tout moun**). Konsa kominote kretyen yo montre prezans Jezi Kri ki te leve byen vivan an, epi yo temwen li se Moun Bondye te voye pou jije moun, epi pou kòmanse tabli Gouvènman li an (Danyèl 7,13). Jezi se sèl entemedyè ant Bondye ak kominote yo: Li se Pè

Dan 7,9; 7,13 mwen wè 7 chandelye lò, ¹³ ak nan mitan chandelye yo, tankou yon Pitit moun abiye ak yon wòb long, yon sentiwon lò mare nan tay li jouk nan lestomak li. ¹⁴ Tèt li ak cheve li te blan tankou lenn, blan tankou lanèj. Je li te tankou flanm dife. ¹⁵ Pye li yo te tankou bwonz bon kalite, yo netwaye nan founo dife. Vwa li te tankou bri gwo dlo. ¹⁶ Li te gen sèt zetwal nan men dwat li ak yon manchèt de bò byen file k ap sòti nan bouch li. Figi li te klere tankou solèy midi. ¹⁷ Kou mwen wè li, mwen tonbe devan pye li tankou yon mò. Li poze men dwat li sou mwen, li di mwen: « Ou pa bezwen pè. Se mwen menm ki premye a ak dènye a, ¹⁸ Sila a ki vivan an. Mwen te mouri, e men mwen vivan pou toutan nètale. Mwen gen kle lanmò a ak kle kote mò yo abite a. ¹⁹ Ekri bagay ou te wè yo, ni sa ki la yo, ni sa ki gen pou rive apre bagay sa yo. ²⁰ Men sekrè sèt zetwal ou wè nan men dwat mwen an, ak sèt gwo chandelye lò yo: sèt zetwal yo, se zanj sèt legliz yo. Sèt gwo chandelye yo, se sèt legliz yo. »

Mesaj pou Legliz Efèz la

2 ¹ Ekri zanj Legliz Efèz la: Men pawòl Sila a ki kenbe sèt zetwal yo nan men dwat li a, epi k ap mache nan mitan sèt chandelye lò yo:

1,16;
1,12

² Mwen konnen zèv ou yo, jan w travay di, jan w kenbe fèm. Ou pa kapab sipòte mechan yo. Ou sonde moun sa yo ki di yo se apot, poutan se pa sa yo ye. Ou dekouvri se mantè yo ye. ³ Ou kenbe fèm. Ou sipòte anpil poutèt Non mwen, san w pa febli. ⁴ Sèlman men sa mwen gen kont ou: premye renmen w te genyen an, ou lage li. ⁵ Konsa sonje ki kote w sòti pou w tonbe la a. Chanje kè w, non. Epi tounen fè premye zèv ou yo. Si se pa sa, m ap vini sou ou, m ap wete chandelye w la nan plas kote li ye a, si w pa chanje kè w. ⁶ Sèlman men sa w genyen: Ou rayi zèv Nikola-yit yo, sa yo mwen menm tou, mwen rayi yo.

⁷ Moun ki gen zòrèy, se pou li koute sa Lespri a di legliz yo. Moun ki ranpòte viktwà, mwen va ba li manje nan pye bwa lavi a, sa ki nan paradi Bondye a.

Jen 2,9;
Ap 22,2

(*wòb long*), li se Wa (*sentiwon ki fèt ak lò*), li sòti nan Bondye (*cheve blan yo*), li gen konesans pou konnen tout bagay sou Bondye (*je dife*), li dyanm (*pye l fèt an bwonz*), li gen tout pouwva (*vwa gwo tankou dlo*). Sèt zetwal yo reprezante chèf (*zanj*) kominote yo, manchèt file de bò a se Pawòl Jezi, epi k ap jije Legliz la ak tout tè a. Figi ki klere tankou solèy la fè nou sonje figi Jezi ki te klere sou mòn nan (Matye 17,2).

1,17-20: Jan prezante kominote yo ak lapèrèz yo genyen devan pèsekisyon yo (tankou moun mouri). Men Jezi ki te leve byen vivan, li la nan Legliz la, li pote kè poze ak sekirite, paske li se mèl listwa a (Premye ak Dènye), epi li se mèl lavi a (li gen kle lanmò ak kav kote mò yo ye a).

2,1-3: Sèt mesaj ki vin youn dèyè lòt yo kòmanse ak pawòl sa a: **Mwen konnen**. Kris la konnen Legliz li a, li pran swen l epi li renmen l. Pou kòmanse, li fè rekonèt sa ki bon yo, epi apre sa, li denonse sa ki mal yo. Mesaj ki vin apre yo fè nou konnen difikilte Legliz nan Lazi Minè t ap soufri.

– Yon bò, se difikilte ki sòti nan Jwif yo ak nan moun pèp etranje yo: konsa yo vin montre rezistans kretyen yo genyen.

– Yon lòt bò, se prezans « nikolayit » yo, sa vle di, yon seri kretyen ki pa vle kite kèk move kontak ak vye koutim yo te genyen epi ki toujou atire yo nan sosyete a. Konsa, yo menm aksepte patisipe nan gwo manje k ap fèt nan tanp pèp etranje yo, kote moun ap manje vyann yo sakrifye bay zidòl. Bagay sa a menase lafwa kretyen yo.

– Gen yon lòt bagay ankò: renmen Bondye ak Legliz yo te genyen lè yo te fèk konvèti a vin frèt. Yo te pèdi premye renmen sa a.

Men sa sèt lèt yo montre Legliz yo: Jezi ki leve byen vivan an la nan mitan yo epi, grasa Pawòl Levanjil la, tout Legliz yo dwe konvèti chak jou, pou yo sanble chak jou piplis ak Jezi, ak te wayaj li a.

2,1-6: Kominote Efèz la toujou ap travay epi li fè anpil bèl bagay. Men, akòz li pa obeyi kòmandman renmen an, li riske pèdi idantite l kòm kominote kretyen (Jan 13,25).

2,7: *Moun ki gen zòrèy se pou li koute sa Lespri a di Legliz yo! Avètisman sa a pou louvri zòrèy la parèt nan finisman tout sèt lèt yo. Lè Legliz la nan wout chanjman pou swiv Jezi, li kapab santi Lespri Jezi a k ap montre li ki pawòl li dwe pale epi ki aksyon ki pi konsekan pou l fè nan moman l ap viv la.*

Mesaj pou Legliz Esmin la

⁸Ekri zanj Legliz Esmin nan: Men pawòl Sila a ki premye a ak dènye a, sila a ki te mouri a epi ki leve byen vivan an: ⁹Mwen konnen tray ou ak mizè w—men w rich—ni jouman ki sòti nan bouch moun ki di se Jwif yo ye a. Men se pa sa yo ye, yo se sinagòg Satan. ¹⁰Ou pa bezwen pè anyen nan sa w gen pou w soufri yo. Dyab la pral jete kèk nan nou nan prizon. Se pou li kapab sonde nou. Nou pral pase tray pou di jou. Se pou nou kenbe fèm jis nou mouri. M ap ba ou kouwòn lavi a.

Dan
1,12

¹¹Moun ki gen zòrèy, se pou li koute sa Lespri a di legliz yo: Moun ki ranpòte viktwa, dezyèm lanmò a p ap kapab fè li anyen.

20,6;
21,8

Mesaj pou Legliz Pègam lan

¹²Ekri zanj Legliz Pègam nan. Men pawòl Sila a ki gen manchèt de bò byen file a: ¹³Mwen konnen kote w rete. Se kote ki gen fotèy Satan an epi w kenbe Non mwen byen fèm. Ou pa trayi lafwa mwen an, menm nan jou Antipas yo, temwen konfyans mwen sa

1,16;
19,15

a, yo te touye lakay nou an, kote Satan rete a. ¹⁴Sèlman, mwen gen kèk bagay kont ou: Ou gen moun bò kote w k ap swiv sa Balaram ap montre, sila a ki te pouse Balarak, pou li mete yon antrav devan pitit Izrayèl yo, pou yo manje vyann yo ofri zidòl epi pou yo pran move plezi. ¹⁵Se konsa menm jan an tou, ou gen kèk moun k ap swiv sa Nikolayit yo ap montre. ¹⁶Chanje kè w non. Si se pa sa, m ap vin sou ou byen vit, pou mwen goumen ak moun sa yo ak manchèt bouch mwen an.

Res
22,2;
25,1-3;
1Kor
8,10;
2Pyè
2,15

¹⁷Moun ki gen zòrèy, se pou li koute sa Lespri a di Legliz yo: Moun ki ranpòte viktwa, m ap ba li lamàn ki kache a. M ap ba li yon ti wòch blan. Sou ti wòch sa a gen yon non tounèf ki ekri. Pèsonn pa konnen li, sòf moun ki resevwa li a.

14,1;
Iz 62,2;
65,15;
Jn 6,32

Mesaj pou Legliz Tiyati a

¹⁸Ekri zanj Legliz Tiyati a. Men pawòl Pitit Bondye a, Sila a ki gen je li tankou flanm dife a, ak pye li ki sanble ak bwonz bon kalite a. ¹⁹Mwen konnen zèv ou yo: renmen w, lafwa w, sèvis ou,

2,8-11: Legliz Esmin nan se yon kominote pòv nan yon vil ki rich. Sèl richès li se lafwa li nan Jezi ak temwayaj li a. Se poutèt sa, li pa pè devan pèsèkasyon yo: menm jan Jezi te mouri epi li leve byen vivan an, se konsa tou li menm l ap jwenn lavi ki p ap janm fini an. Lèt sa a pa fè kominote Esmin nan okenn repwòch, men sèlman ankourajman ak konpliman. Yo kwè se paske Polikap, ki te alatèt kominote a, te elèv Jan ki fè vizyon an.

Gen gwo konfli ant Jwif ki te fè reyinyon Yamnya yo ak kretyen yo. Jwif yo te konn denonse kretyen yo bay sòlda women yo pou yo bat yo, epi touye yo. Poutèt sa, li ba yo non Sinagòg Satan.

Nou pral pase tray pou dis jou. Chif dis sa a se yon senbòl sou tan sa a kote fòs sa ki mal la t ap domine. Konsa li te anonse se te yon soufrans ki p ap dire tout tan.

2,12-17: Pègam se te yon gwo vil nan Lazi Minè, epi li te gen yon tanp enpòtan kote moun pèp etranje yo fè sèvis pou bondye yo. Kominote Pègam nan konn fè rezistans devan relijyon Lanpi Women an (**fotèy Satan**) ki pèsèkite yo epi ki touye kretyen yo. Men li tonbe anba tantasyon mele relijyon kretyen an ak lòt relijyon ki sòti nan lòt kouran ki te genyen nan epòk la (**sa**

Balaram ap montre ak Nikolayit yo). Kominote kretyen an dwe dekouvri, chèche konprann, epi konbat tout lide ki mete li nan sèvis zidòl yo, tankou zidòl pouvwa, richès, plezi, sèks, ak lòt ankò. Se tout zidòl sa yo ki menase lavi moun ki kretyen toutbon vre a.

Manchèt ki file de bò a se Pawòl Jezi a, ki gen fòs pou jije tout sosyete ki chita sou kraze moun epi tout moun ki vle fè tèt li pase pou Bondye. Apokalips rele yo «fotèy Satan an».

Legliz Pègam nan gen chans konte youn nan premye mati yo, Antipas. Antipas se yon kretyen toutbon ki te bay lavi l akòz lafwa li.

2,18-29: Kominote Tiyati a se yon egzanp nan mitan lòt kominote yo, pou jan li te konbat vye bagay ki te menase kraze lavi kominote a. Yo sèvi ak **Jezebèl** kòm senbòl pou pale sou vye bagay sa yo y ap montre yo. Nan Bib la, Jezebèl se non yon fi ki pa gen krentif pou Bondye (gade 1Wa 19). Nan ka sa a, li pale sou yon pwofèt fanm nikolayit. Mesye marye fi sa a ak pitit li yo, se tout moun ki te konn patisipe nan seremoni li te fè yo. Anpil fwa, nan Bib la, yo rele yo «idolatri» adiltè oswa pwostitisyon. Pèp Bondye a se pou Bondye li ye. Li marye ak Bondye tankou yon madanm ki marye ak mari li. Si Pèp la pa rete fidèl, se nan vye dezòd li ye. Anplis, moun

kenbe fèm ou. Dènye zèv ou yo piplis
 1Wa 16,31 pase premye yo. ²⁰Men, sèlman sa
 mwen gen kont ou, ou kite Jezabèl,
 madanm ki di li se pwofèt la, twonpe
 sèvitè mwen yo, nan montre l ap mon-
 tre yo pran move plezi ak manje vyann
 yo ofri zidòl. ²¹Mwen te ba li tan pou li
 chanje kè li. Men li pa vle chanje kè li,
 pou li sòti nan move plezi li yo. ²²Men
 m ap jete li sou yon kabann ansanm ak
 sila yo k ap fè adiltè ak li yo, pou yon
 gwo soufrans, si yo pa chanje kè yo
 pou yo sot nan zèv li yo. ²³Mwen pral
 touye pitit li yo byen touye. Epi tout
 Jer 11,20 Legliz yo va konnen se mwen Sila a ki
 sonde ren yo ak kè yo. Mwen pral bay
 nou chak dapre zèv nou.

²⁴Kanta pou nou menm, tout lòt
 moun ki nan Tiyati yo, ki pa swiv sa li
 montre yo a, ki pa pwofonde nan Satan
 jan yo di a, mwen di nou, mwen p ap
 mete lòt chay sou do nou. ²⁵Sèlman,
 sa nou genyen an, kenbe l fèm jis
 mwen vini. ²⁶Moun ki ranpòte vikwa,
 moun ki kenbe zèv mwen jis nan dènye
 Sòm 2,8-9; Ap 19,15 bout, m ap ba li otorite sou nasyon yo.
²⁷L ap mennen yo ak yon baton fè. L
 ap kraze yo tankou veso tè kwit.
 22,16; Iz 14,12; 2Pyè 1,19 ²⁸Menm jan mwen te resevwa nan men
 Papa mwen, konsa m ap ba li zetwal
 douvan jou a.

²⁹Moun ki gen zòrèy pou tande, se
 pou li koute sa Lespri a di Legliz yo.

Mesaj pou Legliz Sad la

3 ¹Ekri zanj Legliz Sad la. Men pawòl
 1,16; Iz 11,2 moun ki gen sèt Lespri Bondye yo
 ak sèt zetwal yo: Mwen konnen zèv ou
 yo. Ou pote non moun vivan, men ou
 se moun mouri. ²Rete je klè. Ti rèz lavi
 ki rete w la e ki prèt pou mouri a, ba li
 fòs. Reyèlman vre, mwen pa jwenn zèv
 ou yo kòrèk devan Bondye mwen an.
³Konsa sonje jan w te resevwa, jan w te
 16,15; Mt 24,42; 1Tès 5,2 koute. Kenbe yo. Epi chanje kè w. Si w
 pa rete je klè, m ap vini tankou yon
 vòlè. Ou p ap menm konnen ki lè m ap
 rive sou ou. ⁴Men ou gen kèk non
 moun nan Sad ki pa t sal rad yo. Moun
 sa yo pral mache ansanm ak mwen, ak
 rad blan yo, paske yo merite sa. ⁵Se
 16,15; Mt 24,42; 1Tès 5,2 konsa moun ki ranpòte vikwa a pral
 abiye ak rad blan. Mwen p ap efase
 non li nan liv lavi a. Men mwen va
 rekonèt non li devan Papa mwen ak
 devan zanj li yo.

⁶Moun ki gen zòrèy, se pou li koute
 sa Lespri a di Legliz yo.

Mesaj pou Legliz Filadèlfi a

⁷Ekri zanj Legliz Filadèlfi a: Men
 22,22 pawòl Sila a ki sen an, ki laverite a, ki
 gen kle David la, ki lè li louvri, pèsonn
 pa fèmen an, lè li fèmen, pèsonn pa
 louvri a: ⁸Mwen konnen zèv ou yo. Kol 4,3 Men m ap mete yon pòt tou louvri de-
 van w, sa pèsonn p ap kapab fèmen

k ap adore zidòl yo, jan tout sosyete nou an
 konn fè jounen jodi a, yo pa respekte disiplin
 lafwa kretyen an egzijè nou.

L ap mennen yo ak yon baton fè. Moun k ap
 ranpòte vikwa a, va gen menm vikwa Kris la
 (gade Sòm 2). Epi l a resevwa zetwal douvan jou
 a, sa vle di, Jezi Kri menm (Ap 22,16).

3,1-6: Kominote Sad la t ap viv nan ipokrizi.
 Kominote sa a viv yon lavi ki sanble ak lavi yon
 kominote kretyen, men reyèlman vre sa li di se
 pa sa li fè. Li viv sou aparans.

Lontan lontan Siris, wa peyi Lapès, te atake vil
 sa a epi li te pran tout trezò moun yo, lè yo t ap
 dòmi. Poutèt sa, Jan mande l pou li reveye. Jezi
 pral vini sou li tankou yon vòlè.

Lèt sa a se yon mesaj tou kout pou yon Legliz
 ki prèske mouri. Sa dwe fè nou reflechi anpil.
 Legliz inivèsèl la gen yon pwomès pou toutan,
 men mouvman pa nou yo, kominote nou yo epi

menm Legliz ki nan dyosèz yo kapab disparèt.
 Nou gen egzanp sa a nan listwa Legliz la.

Jezi pa touye mèch k ap bay lafimen, men
 chanjman an pa dwe pran tan: moun ki aksepte
 mesaj la dwe mete l an pratik.

3,7-13: Kominote Filadèlfi a se yon kominote
 ki piti epi ki fèb anpil men li te toujou kenbe fèm
 nan lafwa li. Poutèt sa, li resevwa pwoteksyon
 espesyal nan men Jezi Kri nan moman pèseki-
 syon yo. Lè yon moun fèb montre li renmen Jezi
 toutbon vre, se Jezi menm ki ba l kouraj ak fòs
 pou l reziste. Se kominote sa a ak kominote Es-
 min ki pa resevwa repwòch.

Lèt sa a se yon mesaj soulajman ak lespwa ki
 gen anpil fòs pou moun ki reponn lè Lespri Sen
 an rele yo epi ki kenbe fèm, malgre tout difil kite
 yo jwenn nan travay Bondye.

Sila ki gen kle David la (v. 7): se senbòl oto-
 rite ak pouvwa Kris la sou tout Legliz la. Yon oto-

45,14;
60,14

an. Mwen konnen fòs ou piti, men ou kenbe Pawòl mwen an, ou pa trayi Non mwen. ⁹Gade, m ap mete aklè: gen kèk moun nan Sinagòg Satan an, ki di se Jwif yo ye, se pa vre, se manti y ap bay. Mwen pral oblije yo vin mete ajenou nan pye w, epi y ap konnen mwen renmen w. ¹⁰Paske w te kenbe Pawòl mwen an fèm, mwen menm tou m ap kenbe w fèm nan moman gwo tray ki pral rive sou tout fas tè a, pou seye sila yo ki moun tè a. ¹¹M ap rive byen vit. Kenbe sa ou genyen fèm, pou pèsonn pa pran kouwòn ou an. ¹²Moun ki ranpòte viktwa a, m ap fè li tounen yon poto nan Tanp Bondye mwen an. Li p ap sòti deyò menm ankò. M ap ekri Non Bondye mwen an sou li, ansanm ak non vil Bondye mwen an, Jerizalèm tounèf la, ki desann sòti nan syèl bò kote Bondye mwen an, ansanm ak non tounèf pa mwen an tou.

Gal2,9;
1Tm
3,15;
Ap
21,2;
Ezk
48,35

¹³Moun ki gen zòrèy, se pou li koute sa Lespri a di Legliz yo.

Mesaj pou Legliz Lawodise a

2Kor
1,19;
Pwv
8,22;
Jn 1,3;
Kol
1,15;
Eb 1,2

¹⁴Ekri zanj Legliz Lawodise a: Men pawòl Sila a ki Amèn nan, temwen serye ak temwen laverite a, Sila a ki kòmansman tou sa Bondye kreye yo:

rite li pral pase bay Apot li yo ak sila yo k ap vini apre Apot yo (Izayi 22,22 ; Mt 16,19).

Men m ap mete yon pòt tou louvri devan w (v. 8) vle di: «Mwen ba w yon bèl okazyon pou w anonse Levanjil la» (2Kor 2,12). Li bay kondisyon pou sa mache: Fè sa Pawòl Bondye a di epi kenbe fèm.

3,14-22: Yo di: Lawodise te gen de larivyè, youn ak dlo frèt epi youn ak dlo cho ki te kapab geri kèk maladi. Epitou nan vil sa a, yo te konn fè yon medikaman ki geri maladi je anpil moun t ap chache. Gen yon lòt bagay ankò ki bay moun Lawodise yo lògèy: yo konn fabrike yon bon kalite twal nwa ki koute chè.

Amèn vle di: Se vre, wi! Sa gen sans: «Mwen pran angajman m.» Kris se «amèn» Papa a. Angajman li te pran ak nou an te fè tout pwo-mès Bondye te fè nou yo, reyalize (2 Korint 1,20). Epi, paske Kris se «amèn», li rele nou pou nou pran yon angajman toutbon ak Bondye tou, pou plan lavi li a kapab reyalize nan mitan nou,

¹⁵Mwen konnen zèv ou yo. Mwen konnen w pa ni frèt, ni cho. Pito w te frèt, oswa w te cho. ¹⁶Konsa paske w tyèd la, ou pa ni cho, ni frèt, mwen pral vomé w sòti nan bouch mwen. ¹⁷Mwen konnen ou di: «Mwen rich, mwen fin rich nèt, mwen pa manke anyen.» Se konnen w pa konnen, ou mizerab, ou malere, ou pòv, ou avèg, ou toutouni. ¹⁸M ap ba w yon konsèy: achte lò ki pwòpte nan dife a nan men mwen, pou ou kapab vin rich, ak rad blan pou ou abiye, dekwa pou lawont toutouni w lan pa parèt. Achte pomad tou pou ou fwote je w, dekwa pou ou kapab wè.

Iz 55,1

¹⁹Mwen menm, moun mwen renmen, mwen korije yo, mwen ba yo pinisyon. Konsa ou menm rele sou kò w, chanje kè w. ²⁰Gade, men mwen kanpe devan pòt la, m ap frape. Si yon moun tande vwa mwen, epi li louvri pòt la, m ap antre lakay li, m ap soupe ansanm ak li, epi li menm ansanm ak mwen.

Pwv
3,12;
1Kor
11,32;
Jn
14,23

²¹Moun ki ranpòte viktwa a, m ap ba li dwa pou li chita ansanm ak mwen sou fotèy mwen an, menm jan mwen menm mwen te ranpòte viktwa epi mwen chita ansanm ak Papa mwen sou fotèy li a.

Lk
22,29;
Sòm
110,1

²²Moun ki gen zòrèy, se pou li koute sa Lespri a di Legliz yo.

nan fanmi nou yo, nan sosyete nou an, sou tout tè a.

Kominote a pa ni cho, ni frèt: (li vle pale sou de larivyè ki nan vil la) Kominote Lawodise a te rich, epi li te kite lògèy monte tèt li. Li santi li pa bezwen Bondye ede l pou l mache nan lavi a. Li mete konfyans li nan richès li genyen an. Men richès toutbon yon kominote se Pawòl Jezi a. Li dwe koute l epi rete kole sou li.

L ap abiye an blan: (li vle pale la a sou bèl twal nwa moun Lawodise yo te konn fabrike). Yo gen lògèy, epi yo abiye an nwa. Kounye a, Jezi di yo pou yo abiye an blan. Senbòl sa a montre yon reyalite ki pa menm ak pa nou an, li vle di abiye ak Jezi (Efèz 4,24). Nan tout liv Apokalips la, koulè blan vle di kè kontan, fòs, viktwa pou toutan (Ap 4,4 ; 6,2 ; 7,9,13).

Achte medikaman pou w kapab wè byen (l ap pale sou medikaman pou maladi je yo te konn fabrike yo). Fòk kominote a louvri je l pou li gade sityasyon li, pou li ka korije sa ki pa bon, pou li ka tounen vin jwenn Bondye.

Fotèy Bondye a ak sèvis nan syèl la

Mk
1,10;
T Ap
10,11

4¹ Apre sa, mwen wè: Men yon pòt louvri nan syèl la, epi vwa mwen te tande anvan an, ki te pale ak mwen tankou yon twonpèt la, di: Monte bò isit. Mwen pral montre w sa k ap rive apre bagay sa yo. ²La menm, lespri m pèdi tè: Men yon fotèy nan syèl la, ak yon moun chita sou fotèy la. ³Sila a ki te chita a te sanble klète wòch yo rele jasp la, ak sa yo rele sad la. Epi yon lakansyèl te viwonnen fotèy la, pòtre klète wòch yo rele emwod la. ⁴Alantou fotèy la te gen vennkat lòt fotèy. Te gen vennkat Ansyen chita sou fotèy yo, abiye ak rad blan, kouwòn lò sou tèt yo. ⁵Zèklè, vwa ak kout loray t ap sòti nan fotèy la. Sèt flanm dife t ap boule devan fotèy la. Se sèt lespri Bondye yo. ⁶Devan fotèy la te gen yon bagay tankou yon lanmè ki klè, ki sanble kristal. Nan mitan fotèy la ak touta-

Ezk
1,26;
10,1;
Iz 61,1

19,16

Ezk
1,22;
1,5

lantou li te gen kat Vivan, ki plen je devan kou dèyè.

⁷Premye Vivan an sanble yon lyon. Dezyèm Vivan an sanble yon ti bèf. Twazyèm Vivan an gen figi li tankou figi yon moun. Katyèm Vivan an sanble ak yon malfini k ap vole.

⁸Epi kat Vivan yo, chak nan yo, te gen sis zèl. Yo te plen je sou tout kò yo, anndan kou deyò. Lajounen kou lanwit, yo t ap deklare san rete: « Ou sen, Ou sen, Ou sen, Granmèt Bondye ki mèt tout bagay, Li menm ki te la, Li menm ki la, Li menm k ap vini an. »

⁹Antan kat Vivan yo t ap bay glwa, konpliman ak remèsiman pou Sila a ki te chita sou fotèy la, epi ki vivan pou toutan nètale a, ¹⁰vennkat Ansyen yo menm t ap bese byen ba devan Sila a ki chita sou fotèy la. Yo t ap adore Sila a ki vivan pou toutan nètale a. Yo t ap voye kouwòn yo devan fotèy la antan y

4,1: Apre mesaj sa yo pou Legliz la, gen vizyon yo ki pèmèt nou jwenn tout sans listwa moun genyen an. Sòti nan chapit 4 rive nan 11, Jan fè yon kalkil sou listwa pèp Izrayèl la rive nan prèch Levanjil la. Se yon kalkil ki sòti nan Ansyen Kontra a, epi ki fini nan moman yo t ap viv, bò lane 95.

Sòti chapit 12 pou rive nan chapit 21, Jan prepare nou, pou nou kapab konprann listwa n ap viv la ak lit Legliz yo.

Anvan Jan devlope vizyon l sou listwa, li montre n sa ki fondamantal la, ki pa ka chanje, kote tout evènman ak tout bagay sòti epi kote y ap tounen tou. Sa li di yo rantrè nan Plan Lavi Bondye a. Paske avètisman yo p ap itil anyen, si nou pa deside kanpe tennfas devan evènman yo, epi se poutèt sa, nou dwe konnen, an premye, kote nou prale ak poukisa n ap lite.

Pòt ki louvri nan syèl la: se yon senbòl ki montre sans listwa a genyen. Pandan l ap travay pou chanje kè moun yo, Legliz la ap pran fòs pou l dekouvri pwojè Bondye a k ap devlope nan listwa. Kounye a, Jan ap monte, sa vle di, li pral antre nan pòt ki louvri a, pou li wè epi pou li rakonte mèvyè ki anndan listwa a.

4,2-4: Jan prezante Bondye tankou wa ak jij ki gouvènè listwa (**fotèy**), men gouvènman li a chita sou renmen ak kè sansib (senbòl **Lakansyèl** Jenèz 9,3ss).

Bondye se lavi sèlman li renmen: Li sen epi li nan tout bagay, ni sa nou wè, ni sa nou pa ka wè (senbòl **limyè ki sòti nan pyè ki sou bijou yo rele jasp la**). Pèp Bondye a (**vennkat ansyen yo reprezante pèp Bondye a**) patisipe nan gouvèn-

man listwa (**yo chita sou fotèy yo**), nan lavi Jezi ki te leve byen vivan (**rad blan**) epi nan viktwa li a (**kouwòn**).

4,5-6: Bondye toujou aji nan listwa epi li aji anfavè moun (**zèklè yo, vwa yo, loray yo**: Egzòd 19,16). Tout sa k ap viv se nan Bondye yo jwenn lavi yo (**sèt lespri**) epi l ap gouvènè tout pèp (**lanmè ki klè sanble ak kristal** Sòm 65,8).

4,8-11: Kreyen yo fè lwanj pou Bondye, lè li rekonèt li gen tout pouvwa epi li se Mèt listwa. Pèp Bondye a kontinye fè lwanj ak tou sa Bondye kreye. Ni moun, ni tou sa Bondye fè, yo rekonèt se Bondye sèl ki merite konpliman, respè ak onè, paske se li sèl ki gen tout pouvwa, paske se li sèl ki te kreye tout bagay. Tout bagay sa yo ale kont lanprè women an, ki vle fè tèt li pase pou Bondye. Kreyen yo pa bezwen pè okenn pèsekisyon, paske yo konnen se Bondye ki te kreye tout bagay, ki soutni yo, epi mennen tout listwa a.

Ansyen yo se sen Ansyen Kontra a ki reprezante pèp ki kenbe Pawòl la (Izayi 24,23).

4 bèt yo, oubyen 4 eleman vivan yo, reprezante lespri ki nan syèl yo, dapre vizyon Ezekyèl la (Ezekyèl 1). Se senbòl ki pèmèt yo pale sou bagay ki genyen plis valè, plis fòs, plis bon konprann, epi ki valse pi vit.

Nan syèk ki vin apre yo, kreyen, yo te pran abitud reprezante eleman sa yo ak 4 evanjelis yo: Matye se moun nan, Mak se lyon an, Lik se towò a, Jan se malfini an.

Konsa, Jan ap vole wo, kòm li fè moun yo antre nan syèl la. Jan wè syèl la tankou Tanp

ap di: ¹¹ Granmèt, Bondye nou, wi, ou merite resevwa glwa, onè ak pouvwa. Paske se ou menm ki te kreye tout bagay, se grasa volonte w yo te la epi yo te vin fèt.

Liv yo poze sele sou li a ak Ti Mouton an

^{29,11} **5** ¹Epi mwen wè yon liv nan men dwat Sila a ki chita sou fotèy la. Liv la ekri ni anndan ni deyò. Li te gen sèt sele poze sou li. ²Après sa, mwen wè yon zanj ki gen fòs, ki t ap di ak yon gwo vwa: Kilès ki merite louvri liv la pou li kase sele li yo? ³Men ni nan syèl, ni sou tè a, ni anba tè a, pa t gen okenn moun ki te kapab louvri liv la pou gade anndan li. ⁴Mwen menm, mwen t ap kriye anpil, poutèt yo pa t jwenn okenn moun ki te kapab louvri liv la pou gade anndan li. ⁵Se konsa youn nan Ansyen yo di mwen: «Pa kriye. Men lyon ki sòti nan branch fanmi Jida a, rasin David la, te ranpòte viktwa. Konsa li va louvri liv la, ak sèt sele yo.»

Jen 49,8;
Iz 11,1

Jn 1,29

⁶Nan mitan fotèy la, ak kat Vivan

yo, ak nan mitan Ansyen yo, mwen wè yon Ti Mouton kanpe kòm si gòj li koupe, ki gen sèt kòn ak sèt je. Se sèt lespri Bondye voye sou tout fas tè a. ⁷Li parèt, li resevwa liv la nan men dwat Sila a ki chita sou fotèy la. ⁸Lè li fin resevwa liv la, kat Vivan yo ansanm ak vennkat Ansyen yo bese byen ba devan Ti Mouton an. Yo chak gen yon gita, ak bòl lò plen lansan. Se lapriyè sila ki Sen yo. ⁹Yo t ap chante yon kantik nouvo. Yo t ap di: Ou merite sa vre pou w resevwa liv la, epi pou w louvri sele li yo, paske yo te koupe gòj ou. Men ak san w ou delivre moun ki sòti nan tout ras, nan tout lang, nan tout pèp ak nan tout nasyon pou Bondye. ¹⁰Ou fè yo tounen yon peyi wa ak prèt pou Bondye nou an. Yo pral kòmande tankou wa sou tè a.

14,3;
Iz 42,10

19,10;
Iz 61,6

Dan 7,10

Flp 2, 7-9

¹¹Mwen wè, epi mwen tande vwa anpil zanj ki te fè wonn fotèy la, wonn Vivan yo ak Ansyen yo. Kantite yo te ye se te di mil sou di mil, mil sou mil. ¹²Yo t ap di byen fò: «Ti Mouton yo koupe gòj li a, li merite resevwa pou-

Jerizalèm nan, men kounye a li transfòme nèt. Gen **vennkak ansyen** antou, menm jan sa te ye pou yon gwoup pè ki t ap sèvi nan tanp Jerizalèm nan. **Kat zannimo yo** te ranplase sèpan ak zèl yo ki te Serafen Izayi te pale yo (Izayi 6), ak Cheriben Ezekyèl te pale yo (Ezekyèl 1). **Lanmè a** te ranplase gwo basen Jwif yo te genyen nan Tanp lan pou fè seremoni pwòpte pou moun yo. Yo te konn rele basen sa a «lanmè» tou (1 Wa 7,23). Epi nan tout liv la, litiji ki nan syèl la kontinye ak gita, twonpèt ansanm ak lansan.

Yo pa janm sispann repete: sen, sen, sen (v. 8). Sa se premye kantik ki nan liv Apokalips la. Sa nou pral gen pou nou fè nan syèl la? Tout bagay se va gade bèl te Bondye, konpliman, remèsiman ak dekouvèt. Nou va rete men nan bouch lè nou dekouvri jan Bondye pa gen limit, jan li gran, jan li renmen nou.

5,1-4: Vizyon sa a prezante de eleman tou-nèf: Liv la fèmen nèt (li gen **sèt so**), li te ekri nèt (**ni anndan ni deyò**) epi li nan men Bondye, paske li gen pwojè Bondye sou lavi ak sou listwa. Liv ki fèmen an nou rive konprann li nèt nan Jezi. **Jan kriye:** Kominote a dezespere anpil, paske li pa kapab konprann pwojè Bondye nan listwa a. Li anba pèsikisyon e Bondye pa di yon mo. Yo pa konprann kisa ki pase ak Bondye ki pe bouch li konsa.

5,5-7: Jezi ki mouri epi leve byen vivan an se Mouton Fèt Pak la (Egzòd 12). Yo te touye l akoz lenjistis ki sou tè a. Men **li kanpe**, paske li te leve byen vivan. Li se Sovè ki gen tout pouvwa a (**chif sèt la**), e li plen ak Lespri Bondye a, paske li wè tout sa k ap pase nan listwa (**sèt je ak sèt lespri**). Li kapab resevwa liv la epi li kapab louvri l, paske, nan lanmò ak leve byen vivan li a, li te reyalize pwojè Bondye a, sa vle di, delivrans lan nèt. Kounye a, listwa moun yo nan men Jezi Kri, epi pwojè Bondye a, wè pa wè, va reyalize pou tout moun.

5,8-14: Lè Mouton an resevwa liv la, gen twa moman k ap prezante devan moun yo: premye a se kreyasyon an ak pèp Bondye a, ki montre poukisa Mouton an kapab resevwa liv la. Dezyèm nan se zanj yo, yo montre Jezi gen tout pouvwa, paske se li sèl ki Mèt listwa. Anprès women an ak lòt pisans ki sou tè a yo pa gen pouvwa sou listwa. Twazyèm moman an se tout kreyati yo, yo rekonèt Bondye ak Mouton an chita nan menm nivo, yo gen menm pouvwa. Pèp Bondye a adore Bondye ak Jezi sèlman, yo pa adore ni moun, ni bagay yo.

Chapit 6 ak 7 la yo fè yon rezime sou tout liv Apokalips la. Jan montre nou ki sa listwa moun ye, epi kouman li ye nan men Jezi ki te leve byen vivan an, epi li montre nou chemen jijman an ak delivrans lan.

vwa, richès, bon konprann, fòs, onè, glwa ak lwanj.»

¹³Mwen tande vwa tou sa Bondye fè, kit sa ki nan syèl la, kit sa ki sou tè a, kit sa ki anba tè a, kit sa ki nan lanmè, ak tou sa ki anndan yo, yo t ap di: «Lwanj, onè, glwa ak pouvwa pou Sila a ki chita sou fotèy la ak pou Ti Mouton an, pou toutan nètale.»

¹⁴Kat Vivan yo t ap di: «Amèn.» Ansyen yo bese byen ba pou yo adore.

Sis premye sele yo louvri

Jer 15, 2-4 **6**¹ Apre sa mwen kontinye wè. Lè Ti Mouton an kase premye nan sèt sele yo, mwen tande youn nan kat Vivan yo pale, ou ta di yon kout loray. Li di: Vini non!

Zak 6,1 ²Epi mwen wè: men yon chwal blan. Moun ki te monte li a, te kenbe yon zam pou tire flèch nan men li. Yo ba li yon kouwòn. Li pati tankou yon moun ki fin gen yon batay, men ki sòti pou li gen ankò.

³Lè li kase dezyèm sele a, mwen tande dezyèm Vivan an ki t ap di: Vini non! ⁴Lè sa a, yon lòt chwal koulè wouj dife sòti. Moun ki te monte li a, resevwa pouvwa pou li wete lapè sou tè a, dekwa pou youn koupe gòj lòt. E yo ba li yon gwo manchèt.

⁵Lè li kase twazyèm sele a, mwen tande twazyèm Vivan an ki t ap di: Vini non! Epi mwen wè: men yon chwal nwa. Moun ki te monte li a, te kenbe

yon balans nan men li. ⁶Mwen tande tankou yon vwa ki sòti nan mitan kat Vivan yo, ki t ap di: Yon mezi ble pou yon denyè. Twa mezi grenn lòj pou yon denyè. Men pa gate ni lwil la ni diven an.

⁷Lè li kase katriyèm sele a, mwen tande vwa katriyèm Vivan an ki t ap di: Vini non! ⁸Epi mwen wè: men yon chwal koulè vèt. Moun ki te monte li a, yo rele non li lanmò, epi kote mò yo abite a t ap mache dèyè li. Yo ba yo pouvwa sou yon ka tè a, pou yo touye moun ak manchèt, ak grangou, ak lanmò, ak bèt sovaj ki sou tè a.

⁹Lè li kase senkyèm sele a, mwen wè anba lotèl la nanm moun yo te koupe gòj yo poutèt Pawòl Bondye a, ak poutèt yo te sèvi li temwen. ¹⁰Yo t ap rele ak yon gwo vwa antan yo t ap di: Mèt O, ou menm ki sen, ou menm ki laverite a, jis kilè w ap tann ankò san w pa jije, san w pa tire vanjans pou san nou, sou moun tè a? ¹¹Epi yo te ba yo chak, yon wòb long blan mete sou yo. Apre sa, yo di yo, pran pasyans pou yon ti tan ankò, jis kantite, ni sèvitè ki asosye ansanm ak yo, ni frè yo ki gen pou mouri tankou yo a, fin kont.

¹²Apre sa, mwen kontinye wè. Lè li kase sizyèm sele a, vin gen yon gwo tranblemanntè, solèy la vin tou nwa, tankou yon rad sak ki fèt ak po chwal. Tout lalin nan te vini tankou san. ¹³Zetwal yo ki nan syèl la t ap tonbe sou tè

Ezk 4,16

Ezk 14,21

Dtw 32,43; Zak 1,12; Lk 18,7

14,13

Iz 13,10; Jl 3,4; Mt 24,29

Iz 34,4

6,1-8: Sous mal la se anbasyon pouvwa pou youn mete pye sou lòt (**premye so ak chwal blan an**). **Dezyèm so ak chwal koulè wouj la**, se konkirans, konpetisyon ak vanjans ki fè lagè ak vyolans gaye toupato. **Twazyèm so ak chwal nwa a**: anbasyon richès la fè lavi chè grandi nan mitan ti pòv yo, yo kontwole manje, epi yo mete pèp la nan grangou a. **Katriyèm so ak chwal koulè vèt la**: koulè kadav yo, reprezante doule ak lanmò.

6,9-11: Kretyen yo soufri pèsekisyon ak lanmò tankou Jezi pou Pawòl Bondye a men yo dwe kenbe fèm nan temwayaj la. Yo mande Bondye jistis pou pèp li a. **Rad blan an** montre mati yo deja patisipe nan viktwa Jezi ki te leve byen vivan an. Tout liv Apokalips la vle reponn

kesyon moun ki anba pèsekisyon yo poze: «**Jis kilè w ap tann ankò san w pa jije, san w pa tire vanjans pou san nou, sou moun tè a?**»

6,12-17: Bondye te reponn kesyon moun ki anba pèsekisyon yo te poze l, epi li fè dènye jijman an. Jan te reprezante jijman an tankou yon kalamite ki frape tè a, se konsekans tou sa ki mal ki dominen listwa a, yo te reprezante bagay mal sa yo ak kat kavalye yo, jan nou te wè nan kat premye so yo. Jijman an touche tout kategori moun (**tè a, solèy la, lalin nan, zetwal yo, syèl la, mòn yo, zile yo: sèt kategori moun, sa vle di tout moun anba jijman**). Si yo rekonèt yo koupab, y a montre yo gen plis respè ak krentif pou Bondye, pou pwòp lanmò yo.

a, tankou pye fig frans ki jete fwi wòwòt yo, lè gwo van ap souke l. ¹⁴Syèl la disparèt nèt tankou yon papye yo woule. Yo deplase tout mòn yo ak tout zile yo. ¹⁵Tout wa sou tè a, ak chèf, ak kòmandan, ak moun rich, ak gran nèg, ak tout esklav, ak moun ki gen libète, yo tout al kache nan twou wòch ak dèyè gwo wòch nan mòn yo. ¹⁶Yo t ap di mòn yo ak wòch yo: «Tonbe sou nou. Kache nou sòti ni devan figi moun ki chita sou fotèy la, ni anba kòlè Ti Mouton an.» ¹⁷Paske li rive gwo Jou kòlè yo a. Ki moun ki kapab kanpe?

Iz 2,10

Oze 10,8; Lk 23,30

Wm 2,5

San karant kat mil ki pote mak Bondye a

7 ¹Aprè sa, mwen wè kat zanj ki poste nan kat kwen tè a. Yo te kenbe 4 van tè a pou van pa vante ni sou tè a, ni sou lanmè, ni sou okenn pye bwa.

Jer 49,36

3,12; 22,4; 9,4; 12,7

²Mwen wè yon lòt zanj tou, ki t ap monte bò kote solèy leve. Li te pote so Bondye vivan an. Li t ap rele, ak yon gwo vwa, kat zanj ki te jwenn pèmi-syon pou maltrete tè a ak lanmè a, ³li t ap di yo «Pa maltrete ni tè a, ni lanmè a, ni pye bwa yo, jistan nou fin make sèvitè Bondye nou an nan fwon yo.»

⁴Mwen tande kantite moun ki make ak so a: san karannkat mil moun ki make nan tout branch fanmi pitit Izrayèl yo. ⁵Nan branch fanmi Jida te

gen douz mil moun ki te make ak so a. Nan branch fanmi Riben te gen douz mil. Nan branch fanmi Gad te gen douz mil. ⁶Nan branch fanmi Azè te gen douz mil. Nan branch fanmi Neftali te gen douz mil. Nan branch fanmi Manase te gen douz mil. ⁷Nan branch fanmi Simeyon te gen douz mil. Nan branch fanmi Levi te gen douz mil. Nan branch fanmi Isaka te gen douz mil. ⁸Nan branch fanmi Zaboulon te gen douz mil. Nan branch fanmi Jozèf te gen douz mil. Nan branch fanmi Benjamin te gen douz mil ki make ak so a.

⁹Aprè bagay sa yo, mwen kontinye wè: men yon gwo foul moun. Pèsonn pa t kapab konte yo. Yo sòti nan tout nasyon, branch fanmi, pèp, ak lang. Yo te kanpe devan fotèy la ak devan Ti Mouton an. Yo te abiye ak wòb blan long sou yo. Yo te gen fèy palmis nan men yo. ¹⁰Yo t ap rele byen fò. Yo t ap di: «Delivrans la se nan Bondye nou an li ye, nan men Sila a ki chita sou fotèy la, ansanm ak nan Ti Mouton an.»

Jen 15,5

¹¹Tout zanj yo te kanpe fè wonn fotèy la, wonn Ansyen yo ak kat Vivan yo. Yo te tonbe fas ba devan fotèy la. Yo t ap adore Bondye. ¹²Yo t ap di: «Amèn, lwanj, glwa, bon konprann, remèsiman, onè, pouvwa ak fòs se pou Bondye nou an pou toutan nètale. Amèn.»

7,1-9: Yo prezante gran jou delivrans la yon bon fason. Pèp Bondye a (**douz Kòd Fanmi yo**) gen pwoteksyon, jou jijman an (**zanj yo kenbe kat van yo**). **Mak moun yo gen nan fwon an** se siyal yo sove epi yo pou Bondye. Yo reprezante Pèp Bondye a tankou Izrayèl, yon pèp ki total kapital epi ki san defo (**12x12x1.000=144.000**). Se yon pèp ou pa ka konte paske delivrans la se pou tout moun. Ou pa ka pran chif sa a alalèt tankou anpil moun konn fè. Se yon senbòl pou reprezante tout Pèp Bondye a jan nou wè nan vèsè 9 la: «**Aprè bagay sa yo, mwen kontinye wè: men yon gwo foul moun. Pèsonn pa t kapab konte yo. Yo sòti nan tout nasyon, branch fanmi, pèp ak lang**».

7,10-12: Pèp Bondye a rekonèt delivrans la sòti nan Bondye ak nan Mouton an. Se pa ni byen latè, ni moun ki gen pouvwa yo ki pote delivrans la. Ansanm ak zanj yo epi ak tou sa

Bondye kreye, pèp Bondye a dwe adore Bondye sèlman epi rekonèt tout lwanj ak konpliman se pou Bondye yo ye. Se sa nou di nan lapriyè: **Se ou menm sèl ki Wa, se ou ki gen tout pouvwa, se ou menm sèl ki merite konpliman depi toutan e pou toutan.**

7,13-17: Jan bay delivrans pèp Bondye a plis valè pase soufrans yo. **Gwo tray la** se pèsèkasyon yo. **Rad blan an** reprezante patisipasyon nan temwayaj Jezi a. Vèsè 15-17 sonje fèt Ti Kay Joupa yo, Jwif yo te konn fè pou yo fete rekòt la. Se te yon siy Kontra a tou. Delivrans la se reyalizasyon Kontra a nèt. Bondye rete ak moun yo, nan menm kay ak yo. Ak reyalizasyon Kontra a, pèp Bondye a p ap gen soufrans ankò: Jezi tounen gadò mouton k ap mennen pèp la nan lavi ki p ap janm fini an, kote tout moun pral resevwa piyay lavi nan Jezi Kri.

¹³Epi youn nan Ansyen yo pran lapawòl, li di mwen: «Moun sa yo ki abiye ak wòb long blan yo, ki moun yo ye? E ki bò yo sòti?» ¹⁴Mwen di l: «Mèt mwen, se ou menm ki konnen.» Li di mwen: «Sila yo se moun ki sòti nan gwo tray la. Yo lave wòb long yo a, epi yo blanchi yo nan san Ti Mouton an. ¹⁵Se poutèt sa yo devan fotèy Bondye a. Y ap sèvi li lajounen kou lannwit nan Tanp li a. Sila ki chita sou fotèy la, ap drese tant li sou yo. ¹⁶Yo p ap grangou ankò, ni yo p ap swaf ankò. Solèy la p ap bat yo ankò, ni okenn chalè. ¹⁷Paske Ti Mouton nan mitan fotèy la, pral okipe yo, l ap mennen yo nan sous dlo yo, ki bay lavi a. Bondye pral siye tout dlo nan je yo.»

Setyèm sele a ak lansanswa lò a

¹Lè Ti Mouton an kase setyèm sele **8** a, pandan yon demi èd tan konsa, ou pa t tandè okenn bri nan syèl la. ²Après sa, mwen wè sèt zanj yo kanpe devan Bondye. Yo ba yo sèt twonpèt. ³Epi yon lòt zanj vin kanpe sou lotèl la ak yon lansanswa lò. Yo ba li anpil lansan pou li te ofri bay Bondye ansanm ak lapriyè moun ki sen yo, sou lotèl lò ki te devan fotèy la. ⁴Lafimen lansan an ansanm ak lapriyè moun ki sen yo, monte sòti nan men zanj lan ale devan Bondye. ⁵Après sa, zanj lan pran lansanswa a, li plen li ak dife ki te sou lotèl la, li voye li jete sou tè a. Lè sa a, vin

gen kout loray, vwa, zèklè ak tranblemanntè.

Twonpèt yo

⁶Sèt zanj ki te gen sèt twonpèt yo, pare kò yo pou yo jwe twonpèt. ⁷Premye zanj lan jwe twonpèt li a. Apre sa vin gen lagrèl, dife mele ak san. Yo jete li sou tè a. Epi yon tyè tè a, epi yon tyè pyebwa yo, boule, epi tout zèb vèt yo boule.

⁸Dezyèm zanj lan jwe twonpèt li a. Menm lè a yo jete yon gwo boul dife, tankou yon mòn, nan lanmè a. Yon tyè dlo lanmè a tounen san. ⁹Yon tyè sa k ap viv nan lanmè a mouri. E yon tyè batiman yo peri.

¹⁰Après sa, twazyèm zanj lan jwe twonpèt li a. Yon gwo zetwal ki t ap boule tankou yon flanm dife, tonbe sòti nan syèl la. Li tonbe sou yon tyè lari-vyè ak sous dlo yo. ¹¹Yo te rele zetwal sa a: Lapsent. Yon tyè nan tout dlo yo vin anmè kou fyèl. Anpil moun mouri poutèt dlo yo, paske dlo a te vin anmè.

¹²Après sa, katriyèm zanj lan jwe twonpèt li a. Yon tyè solèy la, yon tyè lalin nan, ak yon tyè zetwal yo domaje. Konsa yo tout yo vini tou nwa. Yon tyè nan jou a pa parèt. Konsa tou pou lannwit la. ¹³Mwen gade ankò, mwen tandè yon gwo malfini ki t ap vole nan mitan syèl la. Li t ap pale ak yon gwo vwa, li t ap di: «Malè! Malè! Malè pou moun tè a, après rès son twonpèt twa

Sof 1,7;
Zak
2,17

Ezk
10,2

9,23

Jer
51,25;
7,20

lz 14,12

8,1-11.19: Lè yo te louvri setyèm so a, liv pwojè Bondye a te louvri nèt, epi kounye a l ap reyalize li. Pwojè sa a se mèvèy la (10,7) ki rive bout: Gouvènman Bondye a rive (11,15).

8,1-6: Silans demi èdtan an montre sa k ap pase a se yon bagay ki grav anpil. Jou jijman an (**klewon yo**) epi Gouvènman Bondye, montre dènye tan yo kòmanse nan listwa a. Lansan an, yo ofri ak priyè sen yo, montre Bondye koute rèl mati yo (6,9-11): Bondye reponn, li aji nan listwa, l ap rann yo jistis epi l ap sove yo.

8,7-13: Jou jijman an konsènen tout moun, tout bagay (**tè, lanmè, rivyè, sous yo ak zetwal yo**), li fèt pou yon pòsyon moun nan listwa a (**twazyèm pati**). Menm jan Bondye te aji nan tan lontan (kalamite nan Lejip), Li aji nan tan kounye

a epi l ap aji nan tan k ap vini an tou (**se sou tè sa a Pwofèt yo te konn pale a**) pou jije sa ki mal epi tabli sa ki byen. Yon gwo malfini te vin avèti twa dènye kout klewon yo.

Chapit sa a se youn nan chapit ki plis atire atansyon moun epi ki fè mo "Apokalips" la gen sans anpil moun ba li a: tout kalamite nou kapab rankontre sou tè a. Liv Bon Konprann la di nou (Bon Konp 5,20-23) «**tè a leve kont pechè yo**». Lit pou konbat pwoblèm anviwònman an fè n dekouvri, menm si sa fèt yon ti kras an reta, peche nou fè kont bagay Bondye mete sou tè a mennen nou nan lanmò, epi nou resevwa nouvèl plizyè santèn milyon moun ki deja kòmanse viv apokalips sa a. Se pa yon aza ki fè Bondye kreye tè a epitou se pa t ap yon aza non-plis si ras Adan an te kapab disparèt ak li.

zanj ki pare pou sonnen yo, va sonnen.»

12,4 **9**¹Aprè sa, senkyèm zanj lan jwe twonpèt li a. Mwen wè yon zetwal sòti nan syèl la tonbe sou tè a. Yo ba li kle gwo twou pi san fon an. ²Li louvri gwo twou pi san fon an. Yon lafimen monte sòti nan pi a tankou lafimen yon gwo boukan dife. Lafimen ki sòti nan pi a fè ni solèy la ni lè a vin tou nwa. ³Epi yon bann krikèt sòti nan lafimen an, vin sou tè a. Yo te ba yo menm pouvwa ak eskòpyon tè a. ⁴Yo te di yo pou yo pa t domaje zèb tè a, ni okenn fèy vèt, ni okenn pyebwa. Men pou yo domaje moun ki pa t gen mak Bondye a sou fwon yo sèlman. ⁵Yo mande yo pou yo pa touye moun sa yo, men pou yo toumante yo pou senk mwa. Touman yo te tankou touman yon eskòpyon ki mòde yon moun. ⁶Pandan jou sa yo moun va chèche lanmò, men yo p ap jwenn li. Yo va anvi mouri, men lanmò va pase lwen yo. ⁷Fòm krikèt yo te sanble ak chwal ki pare pou ale nan lagè. Sou tèt yo chak te gen yon bagay ki sanble ak yon kouwòn lò. Figi yo menm te tankou figi moun. ⁸Yo te gen cheve tankou cheve fi. Dan yo menm te tankou dan lyon. ⁹Sou lestonmak yo, yo te gen yon plak fè pou pwoteje yo. Lè yo bat zèl yo, yo fè bri tankou yon bann kabwèt chwal ki pral nan lagè. ¹⁰Yo te gen ke sanble ak eskòpyon, ak yon pikan, epi nan ke yo pouvwa toumante moun pandan senk mwa. ¹¹Yo te gen yon wa alatèt yo. Se zanj gwo twou san fon an. Nan lang

Jl 1,1-
2,11;
10,12

Job
3,21

Jl 1,6

Jl 2,6

ebre yo rele li: Abadòn. Nan lang grèk yo rele li: Apolyòn.

¹²Premye malè a pase. Men gen de lòt malè ankò ki gen pou vini apre sa. ¹³Lè sa a sizyèm zanj lan jwe twonpèt li a. Mwen tande yon vwa ki t ap sòti nan kat kòn lotèl lò ki te devan Bondye a. ¹⁴Vwa a pale ak sizyèm zanj ki te kenbe twonpèt la. Li di l konsa: Lage kat zanj ki mare bò gwo larivyè Lefrat la. ¹⁵Yo lage kat zanj yo. Yo te pare yo pou lè a, pou jou a, nan mwa a, nan lane a, pou yo te kapab touye yon tyè nan moun yo.

16,12

¹⁶Kantite sòlda sou chwal ki te genyen: de san milyon, mwen tande kantite yo. ¹⁷Konsa mwen te wè chwal yo nan vizyon an ak sila yo ki te chita sou yo, ki te gen yon pwotèj fè sou lestomak yo koulè dife, koulè vyolèt ak koulè souf. Tèt chwal yo tankou tèt lyon. Yon dife t ap sòti nan bouch yo, ak lafimen ak souf. ¹⁸Twa gwo malè sa yo ki t ap sòti nan bouch chwal yo: dife, lafimen ak souf, te touye yon tyè moun yo. ¹⁹Reyèlman vre, pouvwa chwal yo se nan bouch yo ak nan ke yo li ye. Reyèlman vre, ke yo se tankou sèpan, yo gen plizyè tèt, epi se ak yo, yo fè mechanste.

²⁰Malgre sa, rès moun yo, sa ki pa t mouri anba gwo malè sa yo, pa t chanje kè yo, yo pa t sòti nan zèv men yo, pou yo pa adore demon yo ak zidòl lò, ajan, bwonz, wòch ak bwa, zidòl ki pa kapab ni wè, ni tande, ni mache. ²¹Epi yo pa t chanje kè yo sòti ni nan krim yo ni nan maji yo, ni nan dezòd yo e nan vòlò yo.

Dan
5,4;
Sòm
135,15

9,1-12: Entèvansyon Bondye a touche sa ki mal, epi detwi l. **Krikèt yo** fè nou sonje uityèm malè Lejip la (Egzòd 10,11-15), men krikèt yo tankou yon lame (Jowèl 1-2) k ap atake moun ki pa genyen mak Bondye a, sa vle di, moun k ap pèsèkite pèp Bondye yo. Jan sanble ap pale sou gwo nasyon yo, ki toujou ap goumen pou youn dominen lòt. Pèsèkitè yo te detwi tèt yo akoz mal yo fè yo.

9,13-21: Nan Ansyen Kontra a, se nan rejyon

bò larivyè Lefrat la lame lènmi yo te konn sòti. Sizyèm klewon an montre jou jijman rele nou nan chemen konvèsyon: kite zidòl yo epi akseptè sèl Mèt tout moun nan: Bondye li menm. Men tankou Farawon Lejip la, moun yo pa sispann adore zidòl yo, bagay ak moun, yo mete nan plas Bondye. Kòm konsekans, yo te toujou rete nan fè sa ki mal, paske se toujou fo bondye yo t ap adore epi sèvi. Si nou adore Granmèt la, nou se pòtre l, men si nou mete ajenou devan zidòl yo, nou rete pòtre zidòl sa yo nou adore yo.

Zanj la ak ti liv la

10¹ Apre sa, mwen wè yon lòt zanj ki gen anpil fòs. Li t ap desann sòti nan syèl la, vlope nan yon gwo nwaj ak yon lakansyèl sou tèt li. Figi li te tankou solèy la. Janm li yo te tankou poto dife. ²Li te kenbe yon ti liv louvri nan men li. Li mete pye dwat li sou lanmè a, pye gòch li menm sou tè a. ³Li pran rele byen fò tankou yon lyon k ap gwonde. Lè li rele, sèt loray yo pale ak vwa yo. ⁴Lè sèt loray yo pale, mwen ta pral ekri e mwen tande yon vwa sòti nan syèl la ki di: Mete sele sou sa sèt loray yo sòt di a. Pa ekri yo. ⁵Apre sa, zanj mwen te wè kanpe sou lanmè a ak sou tè a, leve men dwat li nan syèl la. ⁶Li fè sèman sou Sila a ki vivan pou toutan an, Sila a ki kreye syèl la ak tou sa ki ladan li, tè a ak tou sa ki ladan li, lanmè a ak tou sa ki ladan li: «Pa gen delè ankò. ⁷Men jou yo va tande setyèm zanj lan, lè li pral jwe twonpèt li a, plan sekrè Bondye a ap fin reyalize, jan li te anonse Bon Nouvèl la bay pwòp sèvitè li yo, pwofèt yo.»

Dan
12,4

D1w
32,40

Wm
16,25;
Efr 1,9;
Kol
1,26

⁸Apre sa, vwa mwen te tande sòti nan syèl la, pran pale ak mwen ankò, antan l ap di: «Al pran liv ki louvri nan men zanj ki kanpe sou lanmè ak sou tè

a.» ⁹Mwen pwoche bò kote zanj lan. Mwen di li ban mwen ti liv la. Li di mwen konsa. «Pran li, manje li. L ap gen yon gou anmè nan vant ou. Men, nan bouch ou l ap dous tankou siwo myèl.»

¹⁰Mwen pran ti liv la nan men zanj lan. Mwen manje li, li te dous tankou siwo myèl nan bouch mwen. Men lè mwen fin manje l, vant mwen vin anmè.

¹¹Apre sa, yo di mwen: «Se pou w pale tankou pwofèt ankò sou anpil pèp, ak pèp etranje, ak lang ak wa.»

Ezk 3,3

Jer
1,10

De temwen yo

11¹ Apre sa, yo ban mwen yon règ ki sanble ak yon baton pou pran mezi. Yo di mwen konsa: Leve. Al pran mezi kay Bondye a ansanm ak lotèl la, ni ak moun k ap adore nan Tanp lan. ²Men pa okipe gwo lakou ki deyò Tanp lan, pa mezire l. Paske se pou pèp etranje yo li ye, yo menm ki gen pou pilonnen lavil ki sen an anba pye yo, pou karannde mwa. ³M ap voye de temwen m yo, yo pral pale tankou pwofèt pou mil desanswasant jou, antan yo abiye ak rad sak.

Ezk
40,3;
Zak 2,1

Lk
21,24

⁴De temwen sa yo, se de pye oliv yo ak de chandelye yo, ki kanpe devan Granmèt tè a. ⁵Si yon moun vle fè yo

Zak 4,3

2Wa
1,10

10,1-3: Zanj ki gen anpil fòs la montre Bondye pral aji ak gwo pouvwa. **Lakansyèl la** reprezante sa Bondye fè ak kè sansib li, sa touche tout bagay (**lanmè ak tè**). **Ti liv louvri a** se Levanjil la. Ak mesaj klè sa a, ki touche tout moun: Bondye montre li vle sove tout moun, li rele yo pou yo chanje kè yo epi pou yo tounen vin jwenn li.

10,4-10: Levanjil la yo pa dwe ekri l, paske pawòl li a pral reyalize prese prese (**pa gen delè ankò**), paske ak setyèm klewon an, mèvey Bondye a ap reyalize: sa vle di, l ap tabli Gouvènman li a (11.15). Jou jijman an ak kè poze a ki make finisman listwa a, rive atravè anons Levanjil la. Pou sa, yo **dwe manje l**, sa vle di, yo dwe pran li pou yo viv li, epi pou yo bay temwayaj sou li. Li dous paske li anonse syèl la, men, li anmè tou, paske li pote pèsèkasyon.

10,11: Misyon pèp Bondye a se kontinye pote pawòl pwofèt yo bay tout pèp, tout nasyon, nan tout lang ak nan peyi tout wa. Bay Pawòl pwofèt yo vle di, anonse Levanjil la, oswa, kontinye temwayaj Jezi te bay la.

11,1-2: Ak de temwen, Jan montre nou misyon Legliz genyen sou tè a: pote Levanjil la bay tout moun, toupatou; lènmi Legliz la ki sou tè a ap chèche bouche vwa li, tout pèsèkasyon sa yo inital, paske Legliz rive bay tout pawòl Levanjil la.

Tanp la, lotèl la epi moun k ap adore yo, se senbòl pèp Bondye a. Se nan li Lespri Bondye a rete. Karannde mwa (**1260 jou = twazan edmi**). Se tan pèsèkasyon Wa Antyokis 4 te fè kont Jwif yo te dire; li te tounen yon tan senbòl pou pale sou dènnye tan yo. Sa vle di, dènnye tan yo kòmanse ak Jezi ki te leve byen vivan an jis delivrans lan rive nan dènnye bout li.

11,3-6: De temwen yo reprezante Pèp Bondye a, ki fè misyon pwofèt li a. **Rad sak** la reprezante tan pèsèkasyon ak penitans la. Nan Zakari 4,14, de pye oliv yo reprezante de chèf, politik ak relijye, k ap rebati pèp Bondye a. Jan montre nou, nouvo Pèp Bondye a, se kreyen yo ki anonse Levanjil la. Manm pèp Bondye yo se limyè Bondye a pou tout tè a (**chandelye**), epi yo se pwofèt tankou Moyiz (**pouvwa sou dlo yo**)

mechanste, dife ap sòti nan bouch yo pou devore lènmi yo. Epi, si yon moun ta chèche fè yo mechanste, konsa li gen pou li mouri. ⁶Yo gen pouvwa fèmen syèl la pou okenn lapli pa tonbe, mezi jou y ap bay mesaj pwofèt yo a. Yo gen pouvwa tou pou yo fè dlo tounen san, epi frape tè a ak tout gwo malè toutotan yo vle.

⁷Lè yo va fin sèvi temwen, Bèt sovaj la pral monte sòti nan twou san fon an, li pral fè lagè kont yo. L ap gen viktwa sou yo epi li pral touye yo. ⁸Kadav yo pral rete sou plas gran vil la, sa yo rele anparabòl Sodòm oswa Lejip, kote yo te kloure Granmèt yo a sou kwa a tou. ⁹Moun ki sòti nan pèp yo, fanmi yo, lang yo ak pèp etranje yo, ap wè kadav yo twa jou edmi. Yo p ap pèmèt yo mete kadav yo nan kavo, ¹⁰epi moun tè a ap pran plezi sou yo. Y ap fete. Youn ap voye kado bay lòt. Paske de pwofèt sa yo, te bay moun tè a anpil pwoblèm.

¹¹Aprè twa jou edmi yo, yon souf lavi ki sòti nan Bondye te antre nan yo. Yo kanpe sou pye yo. Yon gwo sezisman tonbe sou moun k ap gade yo. ¹²Yo te tandè yon gwo vwa sòti nan syèl la ki t ap di: «Monte bò isit.» Epi yo te monte nan syèl la nan nyaj la, devan je lènmi yo. ¹³Menm lè a vin gen

yon gwo tranblemanntè. Yon pòsyon sou dis nan lavil la te kraze. Epi gen non set mil moun ki mouri nan tranblemanntè a. Epi rès yo, laperèz te anpare yo. Epi yo te bay Bondye ki nan syèl la glwa.

¹⁴Konsa, dezyèm malè a te pase. Men atansyon, twazyèm nan ap vini byen vit.

Setyèm twonpèt la

¹⁵Aprè sa, setyèm zanj lan jwe twonpèt li a. Mwen tandè yon gwo vwa ki t ap di: «Pouvwa wa sou tè a, se nan men Granmèt nou an ak nan men Kris li a sa ye. L ap kòmande kòm wa.»

¹⁶Vennkat Ansyen yo ki te chita sou fotèy yo devan Bondye, tonbe fas ba, epi yo adore Bondye, ¹⁷antan y ap di: Granmèt, Bondye ki gen tout pouvwa, ou menm ki la epi ki te toujou la, n ap di w mès, paske ou fin resevwa gwo pouvwa w la, epi w kòmande kòm wa. ¹⁸Pèp etranje yo te fè kòlè. Men kòlè pa w la rive, ak lè pou ou jije moun ki mouri yo, pou ou bay sèvitè yo rekonpans yo: pwofèt yo, moun ki sen yo, sila yo ki respekte Non w yo, piti kou gran, oubyen pou w detwi sila yo k ap detwi tè a.

¹⁹Lè sa a, Tanp Bondye a ki nan syèl la, louvri. Yo wè kòf kontra li a parèt

epi tankou Eli (*pouvwa sou dife ak lapli*). Gen moun save ki di de temwen sa yo reprezante apot Pyè ak Pòl tou yo te fè pase mati.

11,7-10: Bay pawòl Pwofèt la vle di bay laverite a, epi bagay sa a mennen moun ki di laverite nan pèsekisyon ak lanmò. Se konsa kreyen yo kontinye sèvi Jezi temwen. **Bèt la** se idolatri pouvwa politik moun yo pran kòm yon bagay ki bon nèt, epi yo mete l nan plas Bondye, tankou lanprè women an. **Gwo vil la** se kote pouvwa rete, li gate lavi moun tankou Sodòm, li mete moun nan esklavaj tankou Lejip, epi li kloure Jezi sou kwa tankou lavil Jerizalèm. Gen moun ki kontan lè yo touye temwen yo. Sosyete ki pa vle abandonnen zidòl yo, ni pa vle resevwa pwofèt yo, yo kontan lè yo te kapab touye yo.

11,11-14: Viktwa Bèt la kout (*twa jou edmi*), paske Lespri Bondye a leve temwen yo byen vivan (Ezekyèl 37,10). Y al bò kote Bondye. Rezilta misyon pwofèt la se aksyon Bondye (*tran-*

blemanntè a). Bondye aji grasa temwayaj kreyen yo. Li jije listwa ak moun yo e se sa ki fè moun yo tounen vin jwenn Bondye. Se moun sa yo ki toujou rete vivan apre gwo kalamite yo epi yo bay Bondye lwanj nan syèl la.

11,15-19: Setyèm klewon fè konnen plan Bondye ki Wa a tounen reyaltite grasa pwofèt pèp Bondye yo ak moun ki sen yo (7,10; 11,1-13). Pèp Bondye a (*vennkate ansyen yo*) bat bravo pou Bondye ki gen tout pouvwa, li gouvènen epi li bay jistis. Yo pa pale sou Bondye k ap vini, paske li vin deja nan temwayaj Jezi ak patizan l yo.

Kòf Kontra a montre Bondye nan mitan Pèp la. Kontra a te fèt nan temwayaj pwofèt pèp Bondye a.

Sòti chapit 12, 1 rive nan chapit 16,20 se pati ki pi konsekan nan liv la. Li montre tan pèp Bondye a se tan pou li batay kont fòs sa ki mal la. Batay sa a pral dire jous listwa a fini nèt.

7,17;
1Wa
17,1;
Jak
5,17

Dan
7,25

2Wa
2,11

12,10;
Sòm
2,2;
Dan
2,44

Sòm
2,1;
46,7

15,5;
2Mkb
2,8

nan Tanp li a. Apre sa, vin gen kout zèklè ak vwa, kout loray ak tranblemanntè ak gwo lagrèl.

Madanm nan ak dragon an

Sòm
104,2;
Dtw
6,10;
Jen
37,9;
3,16
Mic
4,9;
Iz 7,14;
66,7

12 ¹Yo wè yon gwo siy nan syèl la. Se yon madanm ki vlope ak solèy, lalin nan anba pye li, yon kouwòn douz zetwal sou tèt li. ²Li ansent. L ap pouse rèl antan l ap soufri doulè tranche, epi antan li nan touman pou akouche.

³Yo wè yon lòt siy nan syèl la tou. Se yon gwo dragon wouj dife, ki gen sèt tèt, dis kòn, ak sèt kouwòn sou tèt li. ⁴Ke li trennen sou yon tyè nan zetwal ki nan syèl la epi li jete yo sou tè a. Apre sa, dragon an kanpe devan madanm ki t ap akouche a pou li devore ti pitit la kou li fèt. ⁵Madanm nan akouche yon ti pitit gason. Se li menm ki pral mennen tout pèp etranje yo ak yon baton fè. Men yo pran pitit li a pote ale bò kote Bondye ak bò kote fotèy li.

Dan
7,7;
8,10

Sòm
2,9

⁶Madanm nan menm sove nan dezè a, kote Bondye te pare yon plas pou li, pou yo ba li manje la mildesanswasant jou.

⁷Lè sa a yon sèl batay blayi nan syèl la: Michèl ak zanj li yo, pran goumen ak dragon an. Dragon an menm ak zanj pa li yo goumen. ⁸Men, li pa reyisi epi yo pa jwenn plas yo nan syèl la ankò. ⁹Yo jete gwo dragon an deyò, sèpan lontan an, sa yo rele dyab la oswa Satan, sa k ap plede twonpe tout moun ki sou tè a. Yo jete li sou tè a, epi yo jete zanj li yo ansanm ak li.

Dan
12,1;
10,13

Jen
3,15

¹⁰Mwen tande yon gwo vwa nan syèl la k ap di: «Kounye a delivrans lan rive, ansanm ak pisans, ak pouvwa wa Bondye nou an, ak otorite Kris li a, paske sila a ki t ap akize frè nou yo, yo mete li deyò. Li t ap plede akize yo devan Bondye nou an lajounen tankou lannwit. ¹¹Men yo menm yo ranpòte viktwa sou li grasa san Ti Mouton an, grasa pawòl yo, lè yo sèvi temwen. Yo

Kounye a, Jan prezante viktwa sou fòs sa ki mal la, anbyans kote kretyen yo travay kòm pwofèt epi konsekans temwayaj yo, sa vle di, jou jijman an.

Se isit la dezyèm pati vizyon Jan an kòmanse. Apre lane 70, lè jeneral women an, Titis, te detwi Tanp Jerizalèm nan, kretyen yo te kite òganizasyon jwif yo nèt. La a, gen yon seri sèt vizyon nan syèl la ki kòmanse. De premye vizyon yo prezante nou moun ki aji nan listwa, Fanm nan ak Dragon an, sa vle di Pèp Bondye a ak demon an. Fòs fènwa yo k ap lite kont fòs limyè yo. Legliz ale rankontre nasyon yo, pèp etranje yo, antan l ap lite kont pisans demon an. Pisans demon an se tout pwojè moun, ki pa kadre ak lavi pèp la.

12,1: Li parèt antoure ak limyè zetwal yo, men l ap soufri ak doulè tranche. Bondye mennen l pou li rive nan syèl la. Tout listwa nou se pare nou pare tèt nou pou n rive bò kote Bondye, men tout tan sa a se tan soufrans li ye, akòz Levanjil la. Fanm nan akouche yon ti gason, se Kris la menm.

Madanm sa a reprezante plizyè bagay: li se Èv, manman tout moun sou tè a (Jenèz 3,15-20); li se pèp Izrayèl la tou (douz zetwal = douz branch Fanmi yo); li se nouvo Pèp Bondye a k ap tann Sovè a (Izayi 66,7); li se Mari, manman Jezi epi manman patizan l yo tou (Jan 19,25-27) epi se Pèp Kontra tounèf la (douz zetwal = douz apot), sa vle di Legliz la.

12,3-4: Dragon se yon bèt, yon mons lespri moun te kreye: li ta sanble ak yon gwo koulèv. Nou jwenn li nan Ansyen Kontra a (Jòb 7,12; Som 74,13; Izayi 51,9). Dragon an reprezante sila a ki fè sa ki mal la, kidon Satan, lènmi Bondye a. Dragon an simen legoyis, lògèy ak lide ki defòme moun yo ak gwoup sosyal yo. Dragon an mete, nan kè moun, anvi pouvwa, anvi richès, anvi prestij. Dragon an se yon ansasen (*koulè wouj*), li gen tout pouvwa sou nasyon ki sou tè a (**7 tèt ak 7 kouwòn**), men fòs li gen limit (**chif 10**). Li goumen kont Pwojè Bondye a, ki se pwojè lavi (**zetwal nan syèl la**). Li vle devore Pitit madanm lan, Sovè ki te vini pou detwi l la.

12,5-6: Pitit la se Jezi, ki te fèt pou gouvènè nasyon yo ak pou detwi pouvwa dragon an. Ak lanmò l, ak leve li leve byen vivan an, li te kraze fòs sa ki mal la. Kounye a, sityasyon pèp Bondye a se tankou pèp Izrayèl nan dezè a, yo te jwenn delivrans anba esklavaj nan Lejip, men, y ap viv nan dezè a jous listwa a fini (*mil desanswasant jou*) nan mitan pèsekisyon, men, nan zanmitay ak Bondye.

12,7-12: Yo te derasinen tou sa ki mal nèt, Michèl (**Non Michèl la vle di «Kilès ki tankou Bondye»**) mete Dragon an deyò. Bib la rele li sèpan, dyab, Satan. Men kretyen yo pa dwe rete konsa, ak de bra yo kwaze paske Jezi te ranpòte viktwa sou Satan. Malveyan an ap kontinye travay sou tè a, malgre viktwa Kris la, l ap kontinye pèsekite moun sou tout fòm.

pa t renmen lavi yo, jis yo mouri.
 12 Poutèt sa se pou ou kontan, syèl la,
 ak nou tout ki abite nan li. Malè pou tè
 a ak pou lanmè a, paske dyab la de-
 sann sou nou. Li move anpil, paske li
 konnen pa gen anpil tan ki rete li.»

13 Lè dragon an wè yo te jete li sou tè
 a, li pran kouri dèyè madanm ki te fè
 pitit gason an. 14 Men yo bay madanm
 nan de zèl gwo malfini an pou li vole al
 nan plas li nan dezè a, byen lwen sè-
 pan an. Se la yo ba li manje pou yon
 tan, kèk tan ak mwatye yon tan. 15 Epi
 sèpan an voye dlo tankou yon larivyè
 sòti nan bouch li dèyè madanm nan
 pou pote l ale. 16 Men tè a vin bay ma-
 danm nan konkou, li louvri bouch li,
 epi li vale larivyè a, sa dragon an te
 jete sòti nan bouch li a. 17 Se pa ti move
 dragon an move sou madanm nan. L al
 fè lagè kont lòt pitit madanm nan, sa
 vle di ak tout moun k ap obeyi kò-
 mandman Bondye yo, k ap sèvi Jezi
 temwen. 18 Apre sa, li kanpe sou sab bò
 lanmè a.

De bèt yo

11,7; Dan 7,3 **13** Lè sa a mwen wè yon bèt sovaj
 ki t ap monte sòti nan lanmè a, li
 te gen dis kòn ak sèt tèt. Li te gen dis

ti kouwòn sou kòn li yo. Sou tèt li yo te
 gen yon non ki te yon gwo jouman pou
 Bondye. 2 Bèt sovaj mwen te wè a te
 sanble ak yon leyopa. Pat li yo te tan-
 kou pat yon lous, bouch li te tankou
 bouch lyon. Dragon an ba li pouvwa li,
 fotèy li a ak gwo otorite. 3 Youn nan tèt
 li yo, te pran yon kou pou touye li. Men
 blese ki pou ta touye li a, te geri. Tout
 tè a te sezi, epi li pran mache deyè bèt
 sovaj la. 4 Epi yo adore dragon an,
 paske li te bay bèt sovaj la otorite. Yo
 adore bèt sovaj la tou, antan yo t ap di:
 «Kilès ki tankou bèt sovaj la? Kilès ki
 kapab goumen ak li?» 5 Yo te ba li yon
 bouch pou li di gwo mo ak jouman
 kont Bondye. Yo te ba li otorite fè sa
 karannde mwa. 6 Li louvri bouch li pou
 li joure Bondye, pou li joure Non li,
 ansanm ak tant kote li rete a, ni ak sila
 yo ki monte tant yo nan syèl la. 7 Yo te
 ba li fè lagè kont moun ki sen yo, pou
 li ranpòte vikwa sou yo. Yo te ba li
 otorite sou tout branch fanmi, tout pèp,
 tout lang ak tout nasyon. 8 Tout moun
 sou tè a pral adore li, sila yo ki pa gen
 non yo ekri, depi tè a te fèt, nan liv Ti
 Mouton yo te koupe gòj li a.

9 Si yon moun gen zòrèy se pou li
 koute. 10 Moun ki la pou al nan chenn,

12,13-18: Poutèt sa, kounye a, li pèsekite kre-
 tyen ki swiv Jezi yo. Men Bondye toujou pwote-
 jè yo, jous listwa a fini (*twà zan edmi= mil
 desanswasant jou*). Tan sa a se tan pèsekisyon
 an (*larivyè*) men, tankou nan Egzòd la, Pèp Bon-
 dye a pral reyisi kanmenm.

13,1-18: Pèp Bondye a preche nan Gwo vil
 (11,8) kote pouvwa yo rete, kote yo tounen yon
 pouvwa ki vle pran plas Bondye epi mete moun
 anba lesklavaj.

13,1-4: Bèt la se pouvwa Lanpi women an.
 Nan epòk Jan, pouvwa politik la chita Wòm, yo
 te bati li bò lanmè Mediterane a. Bèt la se sèvitè
 Dragon an ki fè travay li fè pwogrè nan listwa
 (*sèt tèt ak dis kòn, li pral bay espplikasyon nan
 Apokalips 17*).

**Bèt la sanble ak bèt yo rele leyopa a. Se
 pòtre lame Wòm nan.** Pouvwa Lanpi women an
 sòti nan Dragon an paske yo gen yon pwojè
 lanmò pou pèp yo. Joure Bondye se pran bagay
 oubyen moun pou Bondye, gwo nèg yo pran
 plas Bondye pou chita otorite yo epi pou toupizi

moun. Bèt la se yon gwo pisans (leyopa, lyon:
 Danyèl 7,4-7). Dragon an ak Bèt la vle pase
 Bondye nan betiz, paske li te bay Jezi ki te leve
 byen vivan pouvwa sou listwa (Apok.4-5). Lanpi
 women an pa fini ak Newon (*tèt ki blese epi ki
 geri*). Foul moun yo te sezi wè sa, epi yo adore
 Bèt la tankou Bondye: «Yo di kilès ki tankou Bèt
 la?» pou yo kanpe devan kretyen yo ki di «Kilès
 ki tankou Bondye?»

13,5-8: Bèt la ap aji jous listwa a fini (*karann-
 de mwa*). Lanpi a vle bay betiz yo di kont
 Bondye yo valè, epi li vle prezante yo tankou
 yon bon bagay ki sòti nan Bondye. Li sèvi ak sa
 pou li ka aji sou konsyans moun yo. Tout moun
 ki pa konnen epi ki pa viv temwayaj Jezi a, yo t
 ap adore Bèt la. Men, patizan Jezi yo soufri
 pèsekisyon ak lanmò, paske yo pa aksepte sèvi
 zidòl sa a.

13,9-10: Pou kretyen yo kenbe fèm nan
 mitan soufrans yo, epi reziste nan lafwa, yo dwe
 rete nan Lespri Jezi Kri a, epi ak konfyans
 Bondye ap reyalize pwojè li a.

^{Ap}_{14,12} pral nan chenn. Moun ki la pou mouri anba kout manchèt, pral mouri anba kout manchèt. Se la, pasyans ak konfyans moun ki sen yo, rete.

^{Mt}_{7,15} ¹¹Lè sa a mwen wè yon lòt bèt sovaj ki t ap monte sòti nan tè a. Li te gen 2 kòn tankou mouton, li t ap pale tankou dragon. ¹²Li fè tout otorite premye bèt sovaj la parèt devan li. Epi li fè tè a ak tout moun ki abite ladan li, adore premye bèt sovaj la, sa ki te geri anba blese ki te pou touye li a.

^{Mt}_{24,24;} ²^{Tes}_{2,9} ¹³Li t ap fè anpil gwo mirak, jis li fè a devan moun yo. ¹⁴Li te twonpe moun sou tè a ak mirak yo te ba li pouvwa fè anba je bèt sovaj la. Li t ap di moun sou tè a pou yo fè pòtre bèt sovaj ki te gen blese ak kout manchèt lan, men k ap viv la. ¹⁵Yo te ba li pouvwa mete lespri sou pòtre bèt sovaj la, dekwa pou pòtre bèt sovaj la ta menm pale, epi pou li fè tout moun ki pa adore pòtre bèt sovaj la, yo touye yo.

¹⁶E li fè yon fason pou tout moun, piti kou gran, rich kou pòv, esklav kou sa ki pa esklav, pou yo ba yo yon mak sou men dwat yo, oswa sou fwon yo.

^{14,9;}_{16,2} ¹⁷Sitèlman pèsonn pa t kapab ni achte ni vann, anwetan sila yo ki gen mak non bèt sovaj la, oswa chif non li an.

¹⁸Se isit la bon konprann lan ye. ^{17,9} Moun ki gen lespri se pou li kalkile chif bèt sovaj la. Reyèlman vre, se chif yon moun li ye. Chif li a se : sisanswasannsis.

Ti Mouton an ak moun ki sove yo

14 ¹Epi mwen wè : men Ti Mouton an kanpe sou mòn Siyon an. Te gen ak li sankarannkat mil moun ki te gen Non li ansanm ak non Papa li ekri sou fwon yo. ^{Sòm}_{2,6;} ^{Jl}_{3,5;} ^{Ezk}_{9,4}

²Epi mwen tande yon vwa ki sòti nan syèl la tankou bri gwo dlo, oswa bri yon gwo kout loray. Vwa mwen tande a te tankou vwa gitaris k ap jwe mizik sou gita yo. ³Y ap chante yon kantik tounèf devan fotèy la, devan kat Vivan yo ak devan Ansyen yo. Pèsonn pa t kapab aprann chante sa a sòf sankarannkat mil moun sa yo, sa yo te peye pri delivrans yo sou tè a. ⁴Moun sa yo te rete pwòp, san yo pa t sal tèt yo ak fi. Reyèlman vre, yo vyèj. Yo t ap mache dèyè Ti Mouton an tout kote li pase. Se sila yo, yo te peye pri delivrans yo pami tout moun, kòm premye kado yo ofri bay Bondye ak Ti Mouton an. ⁵Epi yo pa jwenn manti nan bouch yo, yo san tach. ^{5,9;}_{lz 42,10}

⁶Lè sa a mwen wè yon lòt zanj ki t

13,11-12: Dezyèm bèt la, apre sa yo rele l **fo pwofèt** (16,13), se pwopagann lide ki soutni pouvwa Dragon an epi ki chita sou manti. Li prezante sa ki mal la tankou byen (**mouton ak dragon**), pou fè moun yo aksepte sa ki mal la, kòmsi li sòti nan Bondye. Se yon fo figi Lespri Sen an (Jan 14,26).

13,13-17: Tout fo pwofèt yo pwomèt mirak ak chanjman, men se pa laverite. Yo fè sa pou yo soutni pouvwa yo ak pou yo pran tèt pèp la. Gras a gwo taktik sa a, dezyèm Bèt la kontwole aksyon (**men dwat**) ak lide yo (**fwon**) nan tout sosyete a (**tout kategori sosyal**). Pou yo kapab patisipe nan ekonomi an (**achte ak vann**), tout moun dwe panse epi aji menm jan ak premye Bèt la. Fòse tout klas sosyal yo panse menm jan, aji menm jan, se yon komedi yo fè sou Gouvènman Bondye a.

13,18: Jan pran premye bèt la pou lanprè women epòk la. Chif 666 la, dapre valè chif yo nan lang ebre, koresponn ak non Seza Newon.

Yo kwè lanprè Domisyen se Seza Newon ki te leve byen vivan ak tout mechanste li yo. Men chif 666 la, li vle di tou, yon bagay ki pa bon twa fwa, paske chif 6 la pa rive chif 7, li se mwatye douz. Konsa li montre feblès pouvwa bout di lanprè women an. Li p ap janm vin menm jan ak Gouvènman Bondye a. L ap toujou rete nan fè lanmò blayi toupatou.

Chapit 14 la prezante yon vizyon ki anonse sa k ap vini. Kreyen yo dwe bay temwayaj Levanjil la kote Dragon an ak Bèt la ap dominen, epi rezilta final la se jijman an.

14,1-5: Kreyen yo nan kan Bondye ak Ti Mouton an (**mak nan fwon an**). Chante tounèf la anonse jou jijman an ak delivrans lan. Se Pèp Bondye a sèlman ki kapab aprann chan sa a, paske se li sèl ki konnen pwojè Bondye a.

Yo kenbe pawòl yo (**vyèj**), epi yo suiv Ti Mouton an, pandan y ap sèvi Jezi temwen jis nan bout.

14,6-7: Li di se pou tout moun gen krentif

ap vole nan mitan syèl la. Li gen yon bon nouvèl pou li bay tout moun ki rete sou tè a, bon nouvèl ki la pou toutan an, pou moun tout nasyon, tout branch fanmi, tout lang, tout pèp. ⁷Li t ap pale byen fò, li t ap di: Gen krentif pou Bondye, ba li glwa, paske lè jijman li an rive. Adore Sila a ki fè syèl la, tè a, lanmè a ak sous dlo yo.

⁸Yon lòt zanj, yon dezyèm, t ap swiv, li t ap di: «Li tonbe! Li tonbe! Gwo Babilòn lan ki t ap fè tout nasyon yo bwè kont kò yo, nan diven kòlè dezòd li a.» ⁹Yon lòt zanj, yon twazyèm, swiv yo. Li t ap di byen fò: «Si yon moun adore bèt sovaj la ak pòtre li a, epi si li resevwa mak la sou fwon li oswa sou men li, ¹⁰moun sa a pral bwè diven kòlè Bondye a, ki san melanj, ki deja vide nan gode kòlè li a. Li pral soufri nan dife ak nan souf, devan zanj ki sen yo ak devan Ti Mouton an. ¹¹Lafimen soufrans yo a ap monte toutan san rete. Epi yo youn p ap gen repo lajounen kou lannwit, sila yo ki adore bèt sovaj la ak pòtre li a, ansanm ak moun ki resevwa mak non li a.» ¹²Se la pasyans moun ki sen yo rete, yo menm ki kenbe lòd Bondye yo ak lafwa nan Jezi ¹³Epi mwen tande yon vwa nan syèl la ki di: «Ekri: Ala chans pou mò yo, sa ki mouri nan Granmèt la. Depi kounye a—wi, se sa Lespri a di—y ap jwenn repo sòti nan fatig yo a. Reyèlman vre, zèv yo te fè yo, ap mache ansanm ak

yo.» ¹⁴Aprè sa, mwen wè: men yon nyaj blan. Yon fòm ki sanble ak yon pitit moun te chita anwo nyaj la. Li te gen yon kouwòn lò sou tèt li ak yon kouto digo byen file nan men li. ¹⁵Yon lòt zanj sòti nan Tanp lan, k ap rele ak yon gwo vwa bay sila a ki te chita anwo nyaj la: «Voye kouto digo w la epi rekòlte. Paske lè rekòt la rive. Rekòt tè a fin mi.» ¹⁶Lè sa a sila a ki chita anwo nyaj la voye kouto digo a sou tè a. Menm lè a tout rekòt tè a fèt.

¹⁷Yon lòt zanj sòti nan Tanp ki nan syèl la. Li menm tou, li gen yon kouto digo byen file.

¹⁸Yon lòt zanj ankò sòti bò lotèl la, ki gen pouvwa sou dife a. Li pale byen fò ak sila a ki gen kouto digo file a: «Voye kouto digo file w la pou w koupe tout grap rezen sou tè a, paske rezen yo fin mi.» ¹⁹Lè sa a zanj lan voye kouto digo li a sou tè a, li koupe tout grap rezen ki sou tè a, li jete yo nan gran basen kòlè Bondye a. ²⁰Epi yo pilonnen basen rezen an anba pye yo andeyò lavil la. San t ap koule sòti nan basen an. Li kouvri yon distans mil sis san estad konsa. Li monte, li rive wotè brid chwal yo.

Sèt zanj yo ak sèt gwo malè yo

15 ¹Aprè sa, mwen wè yon lòt siy nan syèl la, yon gwo siy san parèy: sèt zanj ki kenbe sèt gwo malè. Se sèt dènye gwo malè yo. Ak yo kòlè

Dan
7,13

Mt
13,39

19,15;
Iz 63,1

devan sèl Bondye vivan ak toutbon vre a, epi se pou moun fè konpliman pou li sèlman. Bon Nouvèl sa a se jijman an, paske li denonse fòs pouvwa ki soutni sa ki mal la, epi li envite tout moun pou chanje kè yo vin jwenn Bondye.

14,8: Anons Bon Nouvèl la demaske zidòl yo, epi li fè gwo vil ki te bati sou zidòl yo tonbe (**vye dezòd**). Babilòn se senbòl lavil Wòm.

14,9-11: Moun ki swiv Bèt la, epi ki adore l, ap disparèt ansanm ak vil ki chita sou sèvis zidòl pouvwa a. Moun ki pa chanje kè l ak mantalite l pou l tounen vin jwenn Bondye toutbon an, ap tonbe ak zidòl yo (**gode kolè Bondye a**).

14,12-13: Jou jijman an, pèp Bondye a ap kenbe fèm nan bay temwayaj ak nan konfyans, l

ap konnen temwayaj li bay la ap mache ak li jis li rive devan Bondye.

14,12-20: Bon Nouvèl la anonse jou jijman an, k ap rive ak Jezi, Pitit moun nan (Danyèl 7,13-14). Se li menm ki Mèt listwa a (**li chita**), li Bondye (**nyaj blan**), li Wa (**kouwòn**) epi li gen pouvwa pou jijman an (**li gen fòs**). **Kouto digo a** se jijman an ki separe sa ki bon ak sa ki pa bon yo (Matye 13,24-30). **Rezen yo fin mi** se jijman an ki kondanè sa ki pa bon yo epi se yon repons pou demann kretyen ki soufri pèsekisyon yo (Ap 6,10).

15,1-4: Jan pare moun yo pou l pale yo sou sèt gwo malè yo. Li fè yo sonje egzòd pèp Izrayèl te viv nan kòmansman listwa li a. Aprè yo te tra-

^{4,6;}
^{13,15} Bondye a ap rive bout. ²Aprè sa, mwen wè yon bagay tankou yon lanmè kristal mele ak dife. Mwen wè moun ki te ranpòte viktwa sou bèt sovaj la tou, sou pòtre li, ak sou chif non li a. Yo kanpe sou lanmè kristal la, yo gen nan men yo gita Bondye yo. ³Y ap chante chante Moyiz, sèvitè Bondye a, an-sanm ak chante Ti Mouton an, antan y ap di:

Granmèt Bondye ki gen tout pouvwa yo, ou gran, yo san parèy aksyon w yo!

Ou menm wa nasyon yo, chemen w yo kòrèk,

se laverite yo ye.

^{Jer}
^{10,7} ⁴Ki moun ki pa ta gen krentif pou ou, Granmèt?

Epi ki moun ki p ap fè lwanj Non w? Paske se ou menm sèl ki sen.

Paske tout nasyon yo gen pou vini pou yo bese tèt yo devan w, pou yo adore w.

Paske yo wè aklè sa w fè se bagay kòrèk.

⁵Aprè bagay sa yo mwen gen vizyon sa a. Tanp Tant Temwayaj la louvri nan syèl la. ⁶Sèt zanj ki kenbe sèt gwo malè yo sòti nan Tanp lan. Yo abiye ak yon bèl twal len pwòp klere. Yo gen sentiwon lò mare sou lestomak yo.

^{14,10;}
^{Jer}
^{25,15} ⁷Youn nan kat Vivan yo bay sèt zanj yo sèt gode lò plen kòlè Bondye ki vivan pou toutan an. ⁸Tanp lan te plen ak lafimen ki sòti nan glwa Bondye ak nan

pouvwa li. Pèsonn pa t kapab antre nan Tanp lan toutotan sèt gwo malè sèt zanj yo pa t ko fin bout.

Gode kòlè Bondye yo

16 ¹Aprè sa mwen tande yon gwo vwa sòti nan Tanp lan. Li t ap di sèt zanj yo: Al vide sèt gode kòlè Bondye yo sou tè a.

²Epi premye zanj nan pati, li vide gode pa li a sou tè a. Menm lè a move kalite maleng vin kouvri moun ki te gen mak bèt sovaj la sou yo, e ki t ap adore pòtre li a.

³Epi dezyèm nan vide gode pa li a nan lanmè a. Dlo a tounen san moun mouri. Tout bèt vivan nan lanmè a mouri. ^{7,17}

⁴Epi twazyèm nan vide gode pa li a nan larivyè yo ak nan sous dlo yo. Yo tounen san. ^{7,19}

⁵Mwen tande zanj dlo yo di: Ou kòrèk, Sila a ki te la a, ki la a, epi ki sen an, paske w jije bagay sa yo. ⁶Paske yo te fè san moun ki Sen yo ak san pwofèt yo, koule. Epi ou ba yo san pou yo bwè. Yo merite sa.

⁷Epi mwen tande lotèl la di: Wi, Granmèt Bondye ki gen tout pouvwa, jijman w yo kòrèk, se laverite yo ye. ^{Sòm}
^{19,10}

⁸Epi katriyèm nan vide gode pa li a sou solèy la. E yo ba li pouvwa boule moun nan dife. ⁹Epi moun yo boule nan gwo chalè. Yo joure non Bondye ki gen pouvwa sou tout gwo malè sa yo.

vèsè lanmè Wouj la, Moyiz te chante yon kantik ki fete delivrans lan (Egzòd 15). Isit la, moun k ap touye Bèt la chante kantik Moyiz ak Ti Mouton an, Moyiz tounèf la, ki delivre tè Bondye te pwomèt la, Jerizalèm tounèf la (Apokalips 21). Kantik sa a pale sou jistis Bondye a ki te fè pèp etranje yo chanje kè yo, pou yo antre fè pati pèp Bondye a.

15,5-8: Jan tounen sou sa li te ekri nan chapit 11 vèsè 9 la, paske Kòf Kontra a ap rete nan Tant yo te mete apa pou Bondye a (Egzòd 25,22). Pwojè Bondye a pral reyalize kounye a menm (**zanj yo sòti nan Tanp la**). **Kalamite yo** se senbòl yo ye (17,4; 18,6) Chak moun sibi konsekans pwòp zèv pa yo. Jou jijman an, kòlè Bondye (Sòm 75,9) se pou moun ki chwazi ak tout

libète, yo pa aksepte envitasyon Bon Nouvèl la te fè yo a.

16,1-12: 7 gode ki plen ak 7 kalamite yo se yon seri pòtre ki montre nou kijan fòs sa ki mal la, se pa lavi moun ase li detwi, se lavi tou sa ki sou tè a.

Nou konnen kounye a gen lòt kalamite ki pral vini sou tè a, epi menmsi moun domine sou tè a, sa p ap anpeche tè a tire revanj li. Pwochen lagè a pral fèt akòz moun p ap jwenn ase dlo pou yo bwè; atmosfè k ap vin cho akòz move tretman moun yo bay nan transfòmasyon divès pwodwi y ap fè, san yo pa pran swen tè a. Yo anpwazonnen lanmè a, yo detwi pyebwa yo, yo pa pran swen anviwònman an.

Sèt gode yo reprezante jou dènnye jijman an,

Men yo pa chanje kè yo pou yo ba li glwa.

10,21 ¹⁰Epi senkyèm nan vide gode pa li a sou fotèy bèt sovaj la. Peyi kote li wa a tonbe nan fènwa. Moun ap mòde lang yo akòz soufrans lan. ¹¹Y ap joure Bondye nan syèl la poutèt soufrans ak maleng yo. Men yo pa chanje kè yo, pou yo sòti nan zak yo t ap fè yo.

¹²Epi sizyèm nan vide gode pa li a nan gwo larivyè Lefrat la. Epi dlo li a chèche, pou li pare chemen wa yo ki sòti bò kote solèy leve a.

¹³Aprè sa mwen wè twa lespri malpwòp ki t ap sòti nan bouch dragon an, nan bouch bèt sovaj la, ak nan bouch fo pwofèt la. Yo tankou krapo. ¹⁴Reyèlman vre, se lespri demon k ap fè mirak. Yo sòti al lakay wa yo, ki sou tout tè a pou yo rasanble yo, pou batay ki pral fèt nan gwo Jou Bondye ki gen tout pouvwa a. ¹⁵Men m ap vini tankou yon volè. Ala chans pou moun ki rete ap veye e ki kenbe rad li sou li pou li pa mache toutouni, e pou yo pa wè wont li. ¹⁶Yo rasanble yo yon kote yo rele nan lang ebre: Amagedon.

3,3;
3,17;
1Tes
5,2

¹⁷Epi setyèm nan vide gode pa li a nan lè a. Yon gwo vwa sòti nan Tanplan, bò fotèy la, li t ap di: Tout bagay fini! ¹⁸Te gen zeklè, vwa, ak loray, ak gwo tranblemanntè. Bagay sa a pa t

4,5;
Dan
12,1;
MK
13,19

Levanjil la te anonse a. Anvan sa, tout moun gen chans pou konvèti tounen vin jwenn Bondye vivan an, epi pou yo gen lavi. Jou jijman an pou tout bagay sou tè a (tè, lanmè, sous, fotèy Bèt la, ak lòt bagay).

16,13-16: Lè anons Levanjil la touche fòs sa ki mal la ak moun ki nan mal, yo mete tèt yo ansanm ak zanmi yo nan yon gwo jefò pou goumen kont Bondye ak Pèp li a. **Amagedon** sa vle di, Mòn Megido, kote yo te pèdi batay nan Ansyen Kontra a, yo pran li tankou yon senbòl pou moun ki fè lagè epi li pèdi batay la (2Wa 7,27; Zakari 12,11).

16,17-21: Ak setyèm gode a, jijman Bondye a fin bout nèt. Grasa Levanjil la k ap preche toupatou, Bondye la nan mitan nou. Se konsa tout kote Bèt dominen kounye a yo detwi (**Babilòn ak lavil pèp etranje yo**). Travay Bondye fè grasa Levanjil la li gwo, men moun yo kontinye viye do bay Bondye, sa vle di, y ap kontinye nan sèvis bèt la ak Dragon an.

janm rive depi gen moun sou tè a. Pa t janm gen yon tranblemanntè konsa.

¹⁹Epi gwo vil la fann an twa mòso. Vil pèp etranje yo kraze. Epi Bondye sonje Babilòn, gwo vil la, pou ba li vè diven kote kòlè li a ap bouyi. ²⁰Tout zile yo sove kò yo, epi yo pa jwenn mòn ankò. ²¹Epi gwo grenn lagrèl ki peze san liv konsa, sòti nan syèl la tonbe sou moun. Moun yo menm ap joure Bondye poutèt gwo malè lagrèl la, paske gwo malè sa a rèd anpil.

6,14;
9,22

Gwo jennès la

17 ¹Lè sa a youn nan sèt zanj ki kenbe sèt gode yo, vini, li pale ak mwen, li di mwen: Vini non. Mwen pral fè w wè jijman gwo jennès la, ki chita nan mitan gwo dlo yo. ²Wa yo sou tè a nan dezòd ak li. Tout moun sou tè a te sou ak diven movèz vi li a.

Jer
51,13

³Li pote mwen nan lespri mwen nan yon dezè. La mwen wè yon madanm chita sou yon bèt sovaj tou wouj. Bèt sovaj la ki kouvri ak jouman pou Bondye, te gen sèt tèt ak dis kòn. ⁴Madanm nan abiye ak yon rad vlou wouj san. Li chaje lò, ak pyè gwo pri ansanm ak bèl grenn pèl. Li kenbe yon veso lò nan men li, plen salte ak vye bagay lavi jennès li a. ⁵Epi sou fwon li, gen yon non ekri ki gen yon sans

18,3;
Iz
23,17;
Jer
51,7

2Tes
2,7;
1Pyè
5,13

Nan chapit 17-19, Jan montre nou jou jijman an te fèt ak anons Levanjil la epi li fè laverite parèt byen pwòp; epi jijman sa a gen de pati ladan l. Yon move pati: li montre aksyon sa ki mal la ki dominen vil yo, epi li di nou kouman mal la detwi yo (17-18). Yon bon pati: li montre kijan tout bagay mache nan wout viktwa Jezi Kri a. Se li ki fè zanmitay ant moun yo ak Bondye, epi se sa ki nannan Gouvènman Bondye a (**maryaj Ti Mouton an**. Ap 19).

17,1-6: Jennès la se yon senbòl pou vil ki pran povwa, richès ak move bagay pou Bondye, epi yo vle fè moun toupatou sèvi yo menm jan. Nan epòk sila a, se lavil Wòm, isit la yo prezante li tankou Babilòn, kapital tou sa ki mal, kote pèp la te soufri anpil nan tan lontan an (2Wa 24,12). Li chita sou Bèt wouj la, sa vle di li bay Women yo viktwa.

Mo ki te jouman pou Bondye, se tit bondye lanprè a bay pwòp tèt pa l. Ak tit sa a, Lanpi women an ranfòse pouvwa li. Yo prezante jen-

kache: gwo Babilòn, manman jennès
 Ezk 16,36 yo ansanm ak tout salte sou tè a. ⁶Epi mwen wè madanm nan ki sou ak san moun ki sen yo ak san moun ki sèvi Jezi temwen yo. Lè mwen wè li, se pa ti sezi mwen sezi. ⁷Men, zanj lan di mwen: Poukisa w sezi konsa? Mwen pral di w sans kache madanm nan ak bèt sovaj k ap pote li a genyen, bèt sovaj ki gen sèt tèt ak dis kòn lan.

20,12 ⁸Bèt sovaj ou wè a te la, epi li pa la. Li gen pou li monte sot nan gwo twou san fon an, men li pral detwi nèt. Moun sou tè a, ki pa t gen non yo ekri nan Liv lavi a depi nan kòmansman tè a, yo pral sezi anpil lè yo pral wè bèt sovaj la. Paske li te la, epi li pa la, epi li pral parèt.

13,18 ⁹Se isit la entelijans la ye, sa ki gen bon konprann nan. Sèt tèt yo, se sèt ti mòn kote madanm nan chita a. Epi se sèt wa yo ye. ¹⁰Senk tonbe, youn la, yon lòt poko vini. Lè li va vini, fòk li rete yon ti tan. ¹¹Bèt sovaj la ki te la, epi ki pa la a, se uityèm nan, an menm tan li sòti nan sèt lòt yo. Men li pral detwi nèt.

Dan 7,24 ¹²Dis kòn ou wè yo, se dis wa yo ki poko resevwa peyi wa a. Men y ap resevwa otorite kòm wa pou inèd tan

ansanm ak bèt sovaj la. ¹³Yo gen yon sèl lide nan tèt yo, renmèt pouvwa yo ak otorite yo bay bèt sovaj la. ¹⁴Yo va goumen kont Ti Mouton an. Men Ti Mouton an pral bat yo, paske li Granmèt tout mèt, li Wa tout wa, epi ak moun pa li yo: sila yo rele yo, sila yo chwazi yo, sila yo ki kenbe fèm yo.

¹⁵Zanj lan di mwen: Dlo kote w te wè jennès la chita a, se pèp, ak foul moun, ak nasyon ak lang.

¹⁶Dis kòn ou te wè ansanm ak bèt sovaj la, yo menm yo pral rayi jennès la: yo pral fè li tounen yon dezè, yo pral kite li toutouni, yo pral manje vyann li, yo pral boule li nan dife. ¹⁷Reyèlman vre, Bondye te mete, nan kè yo, lide pou yo fè sa li menm li vle, pou yo tout tonbe dakò fè menm bagay, pou yo renmèt pouvwa wa yo nan men bèt sovaj la, jistan pawòl Bondye yo va rive bout. ¹⁸Epi madanm ou te wè a, se gwo vil la, ki gen pouvwa wa sou tout wa ki sou tè a.

Babilòn tonbe

18 ¹Aprè bagay sa yo, mwen wè yon lòt zanj desann sot nan syèl la, li gen gwo pouvwa. Tè a klere ak glwa li. ²Li te pran rele ak yon gwo

Dtw 10,17;
 Ap 19,
 11-21;
 1Tm 6,15

Ezk 16,39

11,8

14,8;
 lz 21,9;
 34,11

nès la tankou yon madanm ki rich anpil (*li gen bèl rad ak bijou ki fèt an lò*), men li mete yo nan sèvis sa ki mal.

17,6-8: Bèl aparans vil la ak richès li yo twonpe tout moun, li fè tout moun adore Bèt la. Pou sa nou dwe gade reyalite a ak je nou byen klere. Fason li pale sou Bèt la, li sanble yon bondye, men li sòti nan sa ki pa anyen epi li ale nan sa ki pa anyen. Sa ban nou yon lide sou lanpi women an ki kòmans tonbe ak Newon, epi li kòmans monte ak Vespazyen. Li pale tou sou tout mechanste lanprè Newon te fè yo, epi kounye a lanprè Domisyen te repete yon lòt fwa pi red ankò.

17,9-11: sèt tèt yo reprezante sèt mòn kote yo te bati lavil Wòm. Se sèt Wa tou. Sa vle di, sèt lanprè nan premye syèk yo. Nan sèt lanprè sa yo, te gen senk ki te tonbe deja: Ogis, Tibè, Kaligila, Klòd, Newon ak Vespazyen, ki papa lanprè Tit ak Domisyen tou. Lòt la pa pou lontan (Tit, li te gouvenen pandan de lane). Uityèm nan (Domisyen) se Bèt la, e an menm tan, li se youn

nan sèt yo, sa vle di, lanprè Domisyen ki t ap pèsekite kreyen yo fè yo tounen viv mechanste ki te genyen sou tan Newon an. Chif sèt la vle di yon bagay ki total.

17,12-15: Dis kòn yo reprezante dis peyi lavil Wòm te dominen, yo mete tèt yo ansanm pou goumen kont Jezi Kri, l ap bat yo ak patizan li yo. **Anpil dlo yo** reprezante lanmè Mediterane kote Lanpi women an chita, epi li pran tèt tout moun ki nan peyi sa yo pou yo mete yo ajenou devan pouvwa li a ak devan lide li yo. Pouvwa women an pran tèt yon pakèt moun. Yo renmen pouvwa, yo renmen richès, yo renmen plezi.

17,16-18: Dènye jijman an fèt nan lit ant nasyon ki chèche pran pouvwa a. Moun ki anba dominasyon yo revòlte, epi yo detwi pouvwa ki dominen yo a.

18,1-3: Levanjil la demaske tout vye lide vil k ap sèvi zidòl yo genyen, epi li detwi yo. Lontan se te lavil Wòm, ki te reprezante tout relijyon pèp etranje yo ak pouvwa sa ki mal la tou. Kòz ki fè li tonbe se sèvis zidol.

vwa, li di: «Li tonbe, li tonbe, gwo Babilòn lan. Li tounen kay demon yo, li tounen prizon tout lespri malpwòp, ak tout zwazo malpwòp yo, ak tout bèt sovaj malpwòp, degoutan yo. ³Paske tout nasyon bwè nan diven kòlè dezòd li a. Tout wa sou tè a lage kò yo nan dezòd ansanm ak li. Gwo komèsan tè a vin rich nan depans gran panpan li yo.»

⁴Après sa mwen tande yon lòt vwa sot nan syèl la, li t ap di: Pèp mwen an, wete kò nou sot nan li, pou nou pa patisipe nan peche li yo, pou nou pa pran nan gwo malè li yo. ⁵Paske peche li yo, fè pil sou pil, rive jis nan syèl la. Bondye sonje move zak li yo. ⁶Renmèt li jan li te bay. Renmèt li de fwa zak li yo. Nan veso li fè melanj li yo, melanje de fwa plis pou li. ⁷Jan li fè lwanj tèt li, jan li pran plezi li, konsa tou ba li soufrans, ak gwo chagren, paske li t ap di nan kè li: Mwen chita tankou yon rèn. Mwen pa pèdi mari mwen, mwen p ap janm gen gwo chagren. ⁸Se poutèt sa tout gwo malè li yo vini nan yon sèl jou: lanmò, gwo chagren ak grangou. Epi y ap boule li nan dife. Paske Bondye k ap jije li a se Granmèt ki fò. ⁹Wa yo sou tè a ki te lage kò yo nan dezòd ak nan pran plezi ak li, yo pral kriye, yo pral bat lestomak yo poutèt li, lè yo wè lafimen boukan dife li a. ¹⁰Antan y ap kanpe lwen poutèt yo pè soufrans li a, y ap di: Malè! Malè pou gwo vil la! Babilòn, vil ki fò a, paske inèd tan kont pou jijman w lan fèt. ¹¹Komèsan tè a tou ap kriye, y ap pran dèy pou li, paske pa t gen pèsonn ankò pou achte machandiz yo: ¹²lò, ajan, bèl pyè ki koute chè ak bèl grenn pèl, len fen,

Iz
48,20;
52,11;
Jer
50,8

Jen
18,20

Iz 47,8

Ezk
26,17;
27,28

twal wouj diven, swa, ak vlou wouj san, tout kalite bèl bwa santi bon, tout veso ivwa, ak tout bagay ki fèt ak bwa ki koute chè anpil, kwiv, fè ak mab, ¹³kannèl, epis, pafen, lami ak lansan, diven ak lwil, farin ak ble, bèt chay ak mouton, kabwèt ak esklav, epi lòt moun pou travay. ¹⁴Sezon fwi w te renmen yo, yo pati kite w. Ou pèdi tout gran panpan ak tout bèlte w yo. Ou p ap janm jwenn yo ankò. ¹⁵Komèsan sa yo, ki te fin rich sou do li a, y ap kanpe lwen, tèlman yo pè soufrans li a, antan y ap kriye, y ap chagren. ¹⁶Antan y ap di: Malè! Malè pou gwo vil la! Ou menm ki te konn abiye ak len fen, ak twal wouj diven ak vlou wouj san! Ou menm ki te chaje ak bijou lò, ak bèl pyè ki koute chè ak pèl! ¹⁷Paske kalite richès sa a pèdi nan inèd tan! Tout kaptèn batiman ki vwayaje nan zòn nan, maren yo ansanm ak tout moun k ap travay sou lanmè, yo tout te rete kanpe lwen. ¹⁸Antan yo t ap gade lafimen boukan dife li a, yo di: Ki vil ki te tankou gwo vil sa a? ¹⁹Yo t ap jete pousyè sou tèt yo, yo t ap rele, yo t ap kriye, yo pran lapenn, yo di: Malè! Malè pou gwo vil la! Tout moun ki gen batiman sou lanmè te fin rich ak trezò li yo. Nan inèd tan li pèdi li! ²⁰Ou menm syèl la se pou w kontan pou sa ki rive li! Ni moun ki sen yo, ni apot yo ak pwofèt yo! Paske, Bondye jije kòz nou, lè li kondane li.

Ezk
27,27

²¹Epi yon zanj ki te gen anpil fòs pran yon wòch tankou yon wòl moulèn, li jete li nan lanmè a. Li di: Konsa yo pral jete Babilòn, gwo vil la. Pèsonn p ap jwenn li ankò. ²²Epi lakay ou yo p

Jer
51,63

18,4-8: Pèp Bondye a pa detwi, paske li pa swiv zidòl yo. Men leson nou jwenn nan moso sa a: li montre nou mal la pral detwi tèt li (v. 6-7).

18,9-19: Vil ki te boule a fè tout moun pran kriye. Premye rèl la se pou Wa yo ki sou tè a (**pouvwa politik**); Dezyèm nan se pou machann yo (**pouvwa ekonomik**); twazyèm nan se pou moun ki fè vwayaj sou lanmè (**pouvwa komini-**

kasyon). Twa pouvwa sa yo reprezante fòs ki dominen tout sosyete a.

18,20-24: Pèp Bondye a gen kè kontan nèt, paske Bondye te tande lapriyè li, lè li te nan gwo soufrans, epi Bondye fè yo jwenn jistis. Tankou wòch la disparèt nan dlo a, konsa tou lavil ki sèvi pouvwa ak richès yo ap disparèt devan anons Levanjil la. Laviktwa Bondye a se yon viktwa total kapital.

ap janm tande vwa moun k ap jwe gita, k ap fè mizik, ak moun k ap jwe flit oswa twonpèt ankò. Yo p ap jwenn okenn travayè pou fè okenn metye andan w ankò. Yo p ap tande bri okenn moulen andan w ankò. ²³ Limyè lanp p ap klere andan w ankò. Yo p ap tande vwa mesye marye ak lamarye andan w ankò. Paske komèsan w yo te gran nèg sou tè a, paske ak maji w la, ou te fè tout nasyon pèdi chemen yo.

^{16,6; Mt 23,35} ²⁴ Epi se nan li menm yo jwenn san pwofèt yo, san moun ki sen yo epi tout moun yo te koupe gòj yo, sou tè a.

Lwanj nan syèl la

19 ¹ Apre bagay sa yo, mwen tande tankou gwo vwa yon gwo foul moun nan syèl la ki t ap di: Alelouya, delivrans, glwa ak pouvwa se pou Bondye nou an. ² Paske jijman li yo se laverite, se bagay kòrèk. Paske li kondane gwo jennès ki t ap detwi tè a ak dezòd li yo, epi li tire revanch li sou li pou san sèvitè li yo.

^{14,11; lz 34,10} ³ Yo t ap di ankò: Alelouya, lafimen li a monte pou toutan nètale. ⁴ Vennkat Ansyen yo ak kat Vivan yo tonbe ajenou, yo adore Bondye ki chita sou fotèy la, antan y ap di: Amèn. Alelouya! ⁵ Yon vwa sòti nan fotèy la, li t ap di: Fè lwanj Bondye nou an, nou tout k ap sèvi li, nou tout ki gen krentif pou li, piti kou gran!

^{Sòm 115,13} ⁶ Epi mwen tande tankou vwa yon gwo foul moun, tankou vwa yon gwo dlo, ou ankò tankou vwa yon gwo kout loray, k ap di: Alelouya! Paske Gran-

mèt la, Bondye nou ki gen tout pouvwa a, kòmande tankou wa. ⁷ Se pou kè nou kontan! Se pou nou kontan anpil! Se pou nou ba li glwa! Paske men nòs Ti Mouton an, epi Madanm li fin pare. ⁸ Yo ba li dwa abiye ak len fen, klere epi pwòp. Reyèlman vre, len fen an se zèv kòrèk moun ki sen yo.

⁹ Epi li di mwen: Ekri: Ala chans pou moun sa yo, yo envite nan resepsyon nòs Ti Mouton an. Apre sa li di mwen: Sa yo se Pawòl Bondye, se laverite. ¹⁰ Mwen lage kò mwen nan pye li pou m adore li. Men li di mwen: Gade, pa fè sa. Se sèvitè mwen ye ansanm ak ou, ansanm ak frè w yo k ap sèvi Jezi temwen. Se Bondye pou w adore. Reyèlman vre, temwayaj Jezi bay la se lespri pawòl pwofèt yo.

Yon moun chita sou yon chwal blan

¹¹ Epi mwen wè syèl la louvri, men yon chwal blan parèt. Yo te rele moun ki sou li a: Moun ki kenbe pawòl li a, epi moun ki di laverite a. L ap jije, l ap mennen batay la yon fason ki kòrèk. ¹² Je li yo tankou flanm dife. Li te gen yon bann ti kouwòn sou tèt li. Li te gen yon non ekri. Pèsonn pa konnen li sòf li. ¹³ Li abiye ak yon rad benyen nan san. Yo rele non li: Pawòl Bondye a. ¹⁴ Lame yo ki nan syèl la t ap swiv li sou chwal blan. Yo abiye ak len fen blan pwòp. ¹⁵ Yon manchèt byen file sòti nan bouch li pou li frape nasyon yo ak li. Li menm l ap mennen yo ak yon baton fè. Li kraze rezen yo nan basen diven gwo kòlè Bondye ki gen tout pouvwa a.

19,1-5: Bondye montre bèlèt li, pouvwa li ak delivrans lan, lè li kraze sila ki te detwi tè a: li fè jijman kòrèk. Kounye a, moun yo te pèsekite yo ak mati yo jwenn onè nan men Bondye. Pawòl sa a gen anpil sans jounen jodi a.

19,6-10: Sila yo ki te pase gwo tray ak dlo nan je poutèt yo te sèvi Jezi temwen, kounye a se gwo fèt pou yo. Se kontra maryaj Jezi Kri ak Legliz la.

19,11-16: Jan prezante Jezi tankou Mèt Listwa a (*kavalye*). *Koulè blan* se koulè viktwa. Li

se Sovè a, jistis ak kè sansib Bondye a ki te tounen moun. Li konnen lasyans epi li gen bon konprann tankou Bondye Papa a (*je li tankou dife*), li gen pouvwa sou tout bagay (*anpil kouwòn sou tèt li*). *Konnen non an* sa vle di genyen pouvwa sou yon moun: kounye a pa gen moun ki konnen non li, sa vle di pa gen moun ki gen pouvwa sou Jezi. San an se san lenmi yo jistis Bondye a te detwi yo. Jezi se Pawòl Bondye a, yo anonse li epi yon foul kretyen viv li. *Manchèt lan* se Levanjil la ki jije, k ap kondane oubyen k ap sove dapre sa moun yo te chwazi fè nan lavi yo.

^{Dtw} 16 Sou rad li ak sou kwis li, yo te ekri
^{10,17;}
^{1Tm}
^{6,15} non sa a : Wa tout wa yo, Granmèt tout
mèt yo.

^{Ezk} 17 Epi mwen wè yon zanj kanpe
^{39,17} anwo solèy la. Li t ap rele ak yon gwo
vwa, antan li t ap di tout zwazo k ap
vole nan mitan syèl la : Vini. Sanble
pou gwo resepsyon Bondye a. ¹⁸ Nou
va manje vyann wa yo ak vyann chèf
lame a, vyann gason vanyan yo, vyann
chwal ansanm ak sila yo ki chita sou
yo, vyann tout moun, lib kou esklav,
piti kou gran.

¹⁹ Epi mwen wè bèt sovaj la ansanm
ak wa yo sou tè a ak lame yo, k ap
sanble pou fè lagè kont sila a ki chita
sou chwal la ak kont lame li a. ²⁰ Yo te
mete men sou bèt sovaj la ansanm ak
fo pwofèt ki te fè anpil mirak devan li
an. Se ak mirak sa yo li te rive twonpe
moun ki te resevwa mak bèt sovaj la
epi ki te adore pòtre li a. Yo jete toulè-
de tou vivan nan gwo letan dife ak souf
k ap boule a. ²¹ Manchèt ki t ap sòti nan
^{Ezk}
^{39,20} bouch moun ki te chita sou chwal la, te
touye tout lòt yo. Tout zwazo yo manje
vyann kont kò yo.

Dragon an mare pou mil lane

20 ¹ Epi mwen wè yon zanj k ap
desann sòti nan syèl la. Li te
kenbe kle gwo twou san fon an nan
^{12,9} men li ansanm ak yon gwo chenn. ² Li
mentni dragon an, sèpan ki la depi lon-
tan an, sa yo rele dyab la, oswa Satan,

li mete li nan chenn pou mil lane. ³ Li
voye li jete nan gwo twou san fon an, li
fèmen li ak kle, epi li poze sele sou li,
pou li pa twonpe nasyon yo ankò tou-
totan mil lane pa fin pase. Apre bagay
sa yo, yo gen pou yo lage li pou yon ti
tan.

⁴ Epi mwen wè fotèy kote yo te chita
a, yo ba yo pouvwa jije. Epi mwen wè
nanm moun yo te koupe tèt yo, paske
yo te sèvi Jezi ak Pawòl Bondye a te-
mwen. Mwen wè sila yo ankò ki pa t
adore ni bèt sovaj la, ni pòtre li a, e ki
pa t resevwa mak la ni sou fwon yo ni
sou men yo : yo tounen viv epi y ap
kòmande kòm wa ak Kris la pandan
mil lane. ⁵ Rès mò yo pa t tounen viv
toutotan mil lane yo pa pase. Se sa yo
rele premye leve byen vivan an. ⁶ Ala li
gen chans epi li sen moun k ap patisi-
pe nan premye leve byen vivan an !
Dezyèm lanmò a p ap gen pouvwa sou
yo. Yo pral prèt Bondye ak Kris la. Yo
pral kòmande kòm wa ansanm ak li
pandan mil lane.

Dènye batay la

⁷ Lè mil lane yo va fin pase, yo va
lage Satan sòti nan prizon li a. ⁸ Epi li
pral sòti pou twonpe nasyon yo ki nan
kat kwen tè a, Gòg ak Magòg. Li va
sanble yo pou lagè. Kantite yo ye, se
tankou grenn sab bò lanmè. ⁹ Y ap
monte sou tout lajè tè a, epi y ap sènen
lame moun ki sen yo ak vil yo renmen

19,17-21 : Zanj lan anonse viktwa sou Bèt la
ak sou fo pwofèt la, ki se sèvitè mal la. **Vyann
nan** montre jistis Bondye a pa gen limit, epi li
touche tout moun, l ap kraze fòs zidòl ak tout
vye lide yo. **Lak dife a** se pinisyon ki p ap janm
fini an.

20,1-15 : Kounye a, Jan prezante kouman
dènye tan yo ap devlope ; ak Jezi ki te mouri epi
ki te leve byen vivan, dènye tan yo deja kòman-
se. Apre, se jijman an k ap vini nan tout listwa a
jous li rive nan dènye bout, lè Kontra Bondye te
pase ak moun yo, nan Jezi Kri, fin rive bout.

20,1-6 : Ak lanmò ak leve byen vivan an, Jezi
te pote viktwa sou sa ki mal la (**Dragon**). Dragon
an toujou la, men li pa gen tout libète li pou li
aji. Mil lane se tan ki kòmanse ak leve byen

vivan Jezi Kri kote Legliz la ap anonse Levanjil la.
Yo mentni Satan pou sa. Men rive yon dat l ap
tounen ak tout fòs li pou l chèche kraze Legliz la.
Se va pou yon ti tan. Ant leve byen vivan Jezi ak
fen listwa a, pèp Bondye a patisipe nan gouvèn-
man, pouvwa Jezi ki Wa, epi nan jijman li a.
Premye leve byen vivan an se konvèsyon an ak
batèm nan, lè nou kite peche pou nou antre nan
lavi Jezi. Pa gen lanmò nètale pou moun ki swiv
Jezi ak tout kè l (**dezyèm lanmò**).

20,7-10 : Pandan listwa a, pèp Bondye a kon-
tinue nan lit kont fòs mal la (**Satan**), men Bondye
pwoteje yo (**dife ki sòti nan syèl la**). Gòg ak
Magòg se senbòl ki reprezante pouvwa zidòl yo,
lènmi Bondye yo ak Pèp li a. Men pouvwa sa ki
mal la ap fini nèt (**lak dife a**).

^{2Tès}
^{2,9}

^{Dan}
^{7,9;}
^{Mt}
^{19,28;}
^{1Kor}
^{6,2}

^{2Tm}
^{2,12;}
^{1Pyè}
^{2,9}

^{Ezk}
³⁸

^{2Wa}
^{1,10}

an. Men, dife desann sòti nan syèl la, li devore yo. ¹⁰Aprè sa dyab la ki t ap twonpe yo a, yo jete li nan letan dife ak souf la, kote bèt sovaj la ak fo pwofèt la ye a. Yo pral soufri lajounen tankou lannwit pou toutan nètale.

¹¹Epi mwen wè yon gwo fotèy blan, epi sila ki te chita sou li a. Syèl la ak tè a pran kouri devan li, epi pa gen plas pou yo ankò. ¹²Lè fini mwen wè mò yo, gran kou piti, kanpe devan fotèy la. Epi yo louvri liv yo. Aprè sa gen yon lòt liv ki louvri, se liv lavi a. Epi yo jije mò yo, dapre zèv yo, dapre sa ki ekri nan liv yo. ¹³Lanmè a renmèt mò ki te gen nan li yo. Lanmò, ak kote mò yo ye a, renmèt tout mò ki te nan yo. Aprè sa yo jije chak dapre zèv yo. ¹⁴Yo jete lanmò ansanm ak kote mò yo ye a nan letan dife a. Letan dife sa a, se li menm ki dezyèm lanmò a. ¹⁵Si yo pa jwenn non yon moun ekri nan liv lavi a, yo jete li nan letan dife a.

Yon syèl tounèf ak yon tè tounèf

21 ¹Aprè sa mwen wè yon syèl tounèf ak yon tè tounèf. Reyèlman vre, premye syèl la ak premye tè a te disparèt. Pa gen lanmè ankò. ²Epi mwen wè vil ki sen an, Jerizalèm tounèf lan, k ap desann sot nan syèl la bò kote Bondye. Li byen abiye, pare tankou yon lamarye ki fè li bèl pou mari li.

Iz 65,17;
66,22;
2Pyè 3,13
Iz 52,1;
61,10;
Gal 4,26

³Mwen tande yon gwo vwa sot nan fotèy la, ap di: «Men Tant Bondye ak moun yo. Li pral abite ak yo. Yo menm y ap pèp li. Epi li menm li pral Bondye yo.» ⁴Li pral seche tout dlo nan je yo. Pap gen lanmò ankò, ni gwo chagren, ni rèl, ni soufrans. Bagay ki te la anvan yo fin disparèt.

⁵Sila ki chita sou fotèy la di: Men mwen fè tout bagay vin tounèf. Epi li di: Ekri, paske pawòl sa yo se pawòl sèten, se laverite. ⁶Epi li di mwen: Tout bagay fin fèt. Mwen se alfa ak omega, mwen se kòmansman, mwen se finisman. Si yon moun swaf, mwen menm mwen pral fè li kado nan sous dlo lavi a. ⁷Se bagay sa yo moun ki ranpòte viktwa a, ap eritye nan men mwen. Mwen pral Bondye li, li pral pitit mwen. ⁸Men moun ki lach yo, moun ki san lafwa yo, moun ki nan fè bagay degoutan yo, kriminèl yo, moun ki nan vye dezòd yo, moun ki nan maji yo, moun ki adore zidòl yo ak tout mantè yo, yo pral jwenn pa yo nan letan dife ak souf k ap boule a. Se sa a ki dezyèm lanmò a.

Lev 26,11;
Ezk 37,27;
Iz 8,8
Iz 25,8
2Kor 5,17
Iz 55,1;
Jn 4,10;
7,37
2Sam 7,14
20,6;
20,14

Jerizalèm tounèf la

⁹Lè fini youn nan sèt zanj ki te kenbe sèt gode plen ak sèt dènye gwo malè yo, pale ak mwen, li di: Vini. Mwen pral montre w madanm ki marye ak Ti Mouton an. ¹⁰Li mennen m nan lespri

19,7;
21,2

20,11-15: Finisman listwa a se jijman an. Nan jijman sa a yo montre lavi. Lanmò ak sa ki mal la ap fini nèt, epi y ap jije moun yo dapre sa yo te fè nan lavi yo. **Fotèy la** fè nou sonje prezans Jij la. Syèl sa a ak tè sa a ap disparèt, paske tout bagay pral vin tounèf. Jijman Bondye a pa nan patipri; se lavi chak moun menm k ap jije yo. **Liv lavi a** se liv Ti Mouton an (13,8); nan liv sa a n ap jwenn non tout moun ki te sèvi Jezi temwen. Lanmò ak kote mò yo ye a reprezante pouvwa sa ki mal la. Yo te detwi yo, paske kounye a se lavi sèlman ki rete.

Sòti chapit 21,1 rive nan chapit 22,5 a, Jan prezante finisman listwa a. Aprè tan sa a, se sèlman kontra Bondye te fè ak moun, ki pral rete nan lavi ki p ap janm fini an. Dènye mo nan listwa moun se lavi pou tout moun. Li prezante kalite moun tounèf k ap viv sou tè a tankou Jerizalèm Tounèf la, Madanm ki reprezante pèp fidèl la, Legliz la.

21,1-4: Jan prezante rapò tounèf ki genyen ant Bondye ak moun yo tankou yon Syèl tounèf ak yon Tè tounèf. Lanmè a pa egziste ankò, paske moun lontan yo konsidere li tankou kay pouvwa sa ki mal la. Jerizalèm tounèf la se lavil Bondye ap bati tankou yon kado (**li sòti nan syèl la**) pou moun yo. Se pa moun ki bati li, se Bondye menm ki fè l. Se Madanm Ti Mouton an, Adan tounèf ki marye ak Èv tounèf la. Konsa, Kontra Bondye ak moun ap reyalize nèt. Li pran yon tant (Egzòd 25,8) kote pou Bondye rete. Se lavi toupatou; se laverite, diyite, jistis ak renmen ki gouvènènan toupatou. Moun ap viv ak kè kontran pou toutan. Sa ki mal pa gen plas ni nan syèl tounèf la, ni nan tè tounèf la.

21,5-8: Kounye a Bondye pwomèt tout bagay pral vin tounèf, paske li se Mèt listwa, kòmansman ak finisman lavi a. Sa ki an premye ak sa ki an dènye a. Li bay lavi li pou moun ki anvi li. Moun ki kenbe pawòl yo, ap antre nan reyalite

m sou yon gwo mòn byen wo. Li montre m vil ki sen an, Jerizalèm, ki desann sot nan syèl la bò kote Bondye, ^{lz 60,1} ¹¹ ki gen glwa Bondye a : klète li a tankou yon pyè bijou ki koute chè anpil, tankou yon pyè jasp, klè kou kristal. ¹² Li gen yon gwo miray byen wo, li gen douz pòtay, epi sou pòtay yo douz zanj ak non ki ekri sou yo, se non douz branch fanmi pitit Izrayèl yo.

^{Ezk 48,31} ¹³ Gen twa pòtay sou bò solèy leve, twa pòtay sou bò nò, twa pòtay sou bò sid, twa pòtay sou bò solèy kouche.

^{Ef 2,20} ¹⁴ Miray vil la kanpe sou douz fondasyon, epi sou yo douz, non douz apot Ti Mouton an. ¹⁵ Sila ki t ap pale ak mwen an te gen yon règ nan men li, yon baton wozo fèt ak lò, pou li te pran mezi vil la, ak pòtay li yo ak miray li a.

¹⁶ Vil la te gen yon fòm kare, longè li te menm ak lajè li. Epi li mezire vil la ak baton wozo a, sou douz mil estad. Longè, lajè ak wotè li egal. ¹⁷ Li mezire miray li a. Li te gen sankarannkat koude. Zanj lan t ap mezire dapre jan moun konn mezire. ¹⁸ Miray la te fèt ak pyè jasp. Vil la menm te bati ak lò pwòp, tankou yon kristal ki pwòp.

^{lz 54,11} ¹⁹ Fondasyon miray vil la te byen deko-re ak tout kalite pyè bijou gwo pri. Premye fondasyon an te fèt ak jasp, dezyèm nan ak safi, twazyèm nan ak

agat, katriyèm nan ak emwòd, ²⁰ sen-kyèm nan ak oniks, sizyèm nan ak sadwàn, setyèm nan ak krizolit, uityèm nan ak beril, nevyèm nan ak topaz, dizyèm nan ak krizopraz, onzyèm nan ak yasant, douzyèm nan ak ametis.

²¹ Douz pòtay yo te douz bèl grenn pèl. Chak pòtay yo te fèt ak yon sèl grenn pèl. Plas nan vil la te fèt ak lò pwòp, klè kou kristal. ²² Epi Tanp, mwen pa

wè sa, paske reyèlman vre, Granmèt Bondye ki gen tout pouvwa a, se Tanp li ansanm ak Ti Mouton an. ²³ Vil la pa

bezwen ni solèy, ni lalin pou klere li, reyèlman vre, glwa Bondye a klere li, e lanp li se Ti Mouton an. ²⁴ Epi nasyon

yo ap mache nan limyè li. Wa sou tè a ap pote richès yo ba li. ²⁵ Pòtay li yo p

ap janm fèmen lajounen, paske la p ap janm gen lannwit. ²⁶ Y ap pote glwa ak respè nasyon yo ba li. ²⁷ Okenn bagay

ki sal ni moun ki fè bagay degoutan, ni moun ki bay manti, p ap antre ladan li, men se sèlman moun ki gen non yo ekri nan liv lavi Ti Mouton an.

22 ¹ Apre sa zanj lan montre m yon gwo larivyè dlo ki t ap koule sòti anba fotèy kote Bondye ak Ti Mouton an te chita a. Se dlo sa a ki bay lavi. ² Li t ap koule nan mitan plas vil la. Sou de bò larivyè a, te gen pyebwa ki bay lavi

kontra a. Y ap tounen pitit nan Pitit la, epi y ap patisipe nan lavi Jezi a.

21,9-11 : Kounye a, Jan prezante mòd lavi tounèf moun sou tè a tankou yon vil ki bati san defo e ki plen limyè. Pòtre sa a montre Kontra ak Bondye a bèl, epi li sen. Tè tounèf la se Madanm nan, li pa tankou jennès la ki te bwè san moun yo. Jan prezante li ak tras ansyen Babilòn ki nan listwa a. Babilòn se te yon vil kare, ki te genyen anpil bèl wout bò larivyè a, epi ak bèl jaden. Kounye a nou kapab di, Jerizalèm nan syèl la se Babilòn, fi movèz vi a pawòl Levanjil la pwòpte, epi li chanje l nèt. Kounye a, li montre mèvyè Bondye ki nan li a.

Fòm yo ak mezi yo bon nèt : miray ki gen sankarannkat koude (douz pa douz), douz pòt ak non douz branch fanmi yo, douz zanj ak non douz apot yo. Li gen menm fòm ak kote ki apa nèt pou Bondye, yo te genyen nan Tanp Jerizalèm nan. Bèlte li a, ou pa kapab kalkile l (**douz mil**). Li se lavi pou tout bagay, li ouvè pou

tout moun (li gen **pòt yo nan kat dirèksyon fas tè a**).

21,22-23 : Nou pa bezwen okenn entèmedyè pou jwenn Bondye, ni tanp, ni litiji, ni pè. Kounye a se moman fasafas ak Bondye. Je nou nan je li, kè nou nan kè li. Pa gen ni pouvwa politik, ni pouvwa ekonomik, ni pwopagann, ni komès, ni anyen ankò. Zanmitay total ak Bondye menmen nou nan zanmitay total ak moun. Se pou youn pataje lavi l ak lòt.

21,24-27 : Mòd lavi moun nan tè tounèf la mande konvèsyon kounye a, nan listwa sa a : kite zidòl pouvwa ak richès yo pou ekri non nou nan liv Ti Mouton an. Lontan lontan moun yo te konsidere lannwit kòm kote sa ki mal la te rete, poutèt sa nan nouvo Jerizalèm nan lannwit pa egziste ankò.

22,1-5 : Anndan vil la gen yon paradi ki tounèf. Se Bondye ak Jezi ki gouvènen li nan kontra ak moun. Tè tounèf la resevwa lavi ak lespri a

a. Li bay douz rekòt fwi. Li donnen chak mwa. Se ak fèy li yo, yo fè renmèd pou geri nasyon yo. ³Pap gen malediksyon ankò. Fotèy Bondye ak Ti Mouton an pral nan mitan vil la, epi sèvitè Bondye yo pral sèvi li. Yo pral wè fas li. Yo pral gen Non li make sou fwon yo. ⁵Pap janm fè nwit ankò. Moun yo p ap bezwen ni limyè lanp ni limyè solèy, paske Mèt la, Bondye, va klere yo, li va yon limyè pou yo. Lè sa a, li va gouvènen yo pou toutan. ⁶Après sa zanj lan di mwen: Pawòl sa yo se laverite. Tout moun dwe kwè yo. Bondye Granmèt la, li menm ki mete pawòl li nan bouch pwofèt yo, se li menm ki voye zanj li an vin montre sèvitè li yo sa ki pral rive anvan lontan.

⁷Gade m ap vini talè konsa. Ala chans pou moun ki kenbe pawòl pwofèt ki nan liv sa a.

⁸Mwen menm, Jan, mwen tande bagay sa yo, mwen wè yo. Apre mwen fin tande yo, apre mwen fin wè yo, mwen tonbe ajenou nan pye zanj ki te fè mwen wè yo a pou mwen adore li. ⁹Men li di mwen: Gade, pa fè sa. Se sèvi m ap sèvi Bondye ansanm ak ou, ansanm ak tout frè w yo ki pwofèt Bondye, ansanm ak tout moun k ap obeyi pawòl ki nan liv sa a. Se Bondye pou w adore. ¹⁰Après sa, li di mwen: Pa sere pawòl pwofèt ki nan liv sa a. Paske anvan lontan tout bagay sa yo pral rive. ¹¹Moun ki pa kòrèk la, mèt kontinye fè sa ki pa kòrèk. Moun ki sal

ak peche a, mèt kontinye kite peche a fè li sal. Men tou, sila ki kòrèk la, kontinye fè sa ki kòrèk, sila ki sen an, kontinye vin sen. ¹²Gade, m ap vini talè konsa. M ap pote rekonpans m ap bay la ak mwen, pou mwen bay chak moun sa yo merite, dapre sa yo fè. ¹³Se mwen menm ki alfa ak omega, se mwen menm ki premye ak dènye, se mwen menm ki kòmansman ak finisman. ¹⁴Ala chans pou moun ki lave rad yo, pou yo sa gen dwa manje fwi pyebwa ki bay lavi a, pou yo kapab pase antre nan pòtay vil la.

¹⁵Deyò tout chen ak tout moun ki nan maji, nan dezòd, nan krim, nan zidòl, nan fè manti ak nan renmen bay manti.

¹⁶Mwen menm Jezi, mwen voye zanj mwen an pou anonse nou bagay sa yo nan Legliz yo. Mwen se ti kreyòl ki sòti nan ras David lan. Mwen se zetwal ki klere chak maten an. ¹⁷Lespri Bondye a ansanm ak lamarye a di: Vini non. Se pou tout moun ki tande sa di tou: Vini non. Se pou tout moun ki swaf dlo vin bwè dlo. Se pou tout moun ki vle ti gout nan dlo ki bay lavi a, vin resevwa l gratis.

¹⁸Mwen menm menm men sa m ap deklare bay tout moun ki tande pawòl pwofèt ki nan liv sa a. Si yon moun mete nan pawòl sa yo anyen ki pa t ladan li, Bondye va mete tout gwo malè yo pale nan liv sa a, sou do li. ¹⁹Konsa tou, si yon moun wete kichòy

Sòm
11,7;
17,5

1Jn 3,2

19,10

Dan
12,10

lz
40,10;
41,4

21,6

Dtw 4,2

nan Bondye, (*larivyè dlo vivan*). Tout moun kapab rive nan lavi total kapital sa a ki ba nou kè kontan san mank (*pyebwa lavi yo ki toujou donnen*). Paske kounye a pa gen anyen Bondye defann moun fè (*madichon* Jen 3,22-24). Jen yon sèl sèvis pou moun fè pou Bondye ak Jezi Kri, epi y ap viv pou toutan.

22,6-12: Nan dènye pati Liv Apokalips la, gen yon koze ant Jan, zanj lan, Jezi epi asanble kretyen kote y ap li liv la: yon asanble litiji, kote yo bay esplikasyon, yo reflechi ansanm, epi yo kenbe mesaj la.

Vini Jezi a gen plizyè etap. Nou wè li nan travay moun k ap kontinye sa li te fè yo: montre laverite, montre renmen Papa Bondye, ki rele

nou pou nou tounen vin jwenn li, pou nou antre nan lavi li a. Nou kapab di Jezi toujou ap vini pou li ede nou, pou nou bati lavi jounen jodi a, ak pou prepare avni nou. Se konsa Jezi k ap vini an ap detwi sa ki mal sou tè a, pou l bati yon tè tounèf ak nou, pou nou.

22,10-11: Mesaj ki nan liv sa a mande pou n ajì touswit. Kretyen yo pa dwe rete bra kwaze, paske temwayaj y ap bay la pral mennen moun pran yon desizyon. Reyèlman vre, Pwojè Bondye a pral reyalize, epi li p ap posib pou nou kontinye ap mennen de lavi. Nou pa ka rete yon pye dèyò, yon pye anndan, sa vle di yon pye nan sa ki mal ak yon pye nan sa ki bon.

APOKALIPS 22

nan pawòl ki nan liv pwofèt sa a, Bondye va wete pòsyon ki ta pou li nan pyebwa ki bay lavi a ak nan vil ki sen an, jan yo pale sou sa nan liv sa a.

²⁰Moun ki garanti laverite tout pawòl sa yo di: Wi, m ap vini talè konsa! Amèn. Vini non Granmèt Jezi! ²¹Se pou favè Granmèt Jezi toujou ak tout moun.

^{1Kor}
^{16 22}

BLANK PAGE 466